


84 Ком.ч  
К93

Нина Куратова  
КОНІ УЗЬЛО  
ШОНДІ






811  
КОНТРОЛЬНАЯ  
ЭКЗЕМПЛЯР

Нина Куратова

# КОНІ УЗЬЛО ШОНДІ

Висьгъяс



361872

Коми республикалык  
детский библиотека  
имени С. Я. Маршана

Сыктывкар

Коми книжной издательство

1998

84 ( 2 Рос — Коми)  
К 93

Серпасалис *Е. В. Сухарева*

ISBN 5-7555-0640-X

© Куратова Н. Н., 1998  
© Сухарева Е. В., оформление, 1998  
© Коми книжной издательство, 1998

# КӨНІ УЗЬЛӨ ШОНДИ



ыгнас Алёна мамыскөд дыр киськалісны град выв пуктасъяс: капуста и сёркни, свеклө и морковь. Медбөрын эштөдісны уджнысө, мамыс шуис:

— Но, нылукөй, бура и отсалін мамыдлы. Пырам сәсся гортө. Шондіыс то узьны нин көсйө водны и.

— А көні узьлө шондіыс? — юалө нывка.

— Шондіыс? Енэжтас саяс тай пуксьө-а. Сэні и, буракө, узьлө.

Вольпасяс Алёнка век думайтіс шонді йылысь. Кутшөмджык эськө сылөн гортыс? Миян керка кодь жө, гашкө, гажа да шонды? И льөм пуяс быдмөны өшинь улас. И вольпасьыс сылөн Алёнкалөн кодь жө, көнкө, небыд да дзоридзөсь ситеч пөдушка эжөда.

Вөтасис Алёнка мыйкө зэв кузя. Мунө быттьө и мунө гажа садті, дзоръялө гөгөрпөв, кор нин помасяс садйыс да мыччыяс шонділөн керкаыс. Но сйө век некөн оз тыдав.

Садьмис петук чукөстөм шыысь. Петіс кильчө вылас. И друт тайө кадас ватакодь еджыд кымөръяс сайысь быйкнитіс-петіс шонді, сявк койыштіс зарни югөръяссө му вылө. Нюмдіс Алёнка да уськөдчис гортас мамыс дорө, горзө:

— Мамө, мамө! Шондіыс со еджыд кымөр вылас узьөма! Ме адзылі, кызди сйө вольпасьыс чеччис! Чеччис и дзик пыр нюмдіс меным!



ннушкалы нель арös тырис. Сійö ыджыд нин, артавны нин велöдчö. Асывбыд нин пукалö кильчö вылас да лыддьö ассьыс чуньяссö: öтик, кык, куим, нель,.. квайт!

Да, да, öти кыын квайт чунь и мöдас квайт жö!

Бабыс керкаысь петис помöй ведраön, Аннуш уськöдчис бабыслы паныд:

— Бабö, бабö! Менам квайт чунь! Ме ачым нин лыдди!

Бабыс пуктис помöй ведрасö, шензьыштис:

— Квайт чунь? Ен мед видзас! Квайт чуньясыс вед гуськульяс сöмын! Вай ноко выльысь да бурджыка лыддьы.

Аннуш чургöдис чуньяссö, мöд кинас лöсьöдыштис кымöсас лезь юрсисö дай пондис лыддьыны чурвидзысь чуньяссö:

— Видзöд, бабö: öтик, кык... ку-им... нель... квайт! — Медбöрын инмöдчылис пев йылас.— Квайт чунь!

Бабыс дзөрöдыштис юрнас, мыччис внучкаыслы ассьыс кисö:

— А ноко, менсьым лыддьы!

Аннуш ошйысьöмön моз да тэрмасьöмön и лыддис бабыслысь кыз чуньяссö.


— Тэнад квайт жö!— Кыв көрталис нывкаыс.

— А витöдыс нö инö кытчö воши?— серöктис бабыс.

— Ме ог төд, ме эг гусяв,— жугылиника шуис Аннуш да лэдзис юрсö.

Бабыс босьтис помöй ведрасö, кайтыштис:

— Пыр гортö, батыд вежös сайын, сыкöд нöшта велöдчыштöй лыддьысьныс, а ме петкöда польöйдлы сёянсö. Пыра, да нöшта на лыддьыштам.



Пырис Аннуш папыс дорö вежös сайö, юрсö лэдзöма.

— Аннушка, сёшайтöй, мый нö сэтшöм жугыль талун? Эн-ö висьмы? — Папыс босьтис нывкасö ки йылас, видзöдлис чужöмас.

— Висьми, — жугыля нурбыльтис Аннуш. — Бабыдлөн витöd

чуньыс кытчөкө вошөма. Чайтө: ме гусялі. А ме — эг. Төрыт сөмын өти кампет сылысь юавтөг босьтлі.

— А-а, со инө тэ кутшөм грека!— Батьыс вак-вакөн серөктіс, гильөдыштіс, кызди и пыр, нывкаыслысь мышкусө, киняувьяссө дай бөр лэдзис джоджас.— А менам, колөкө, воши жө витөд чуньөй да? Вай өтвылысь кыкөн лыддям!

Пондісны лыддыны: өтик, кык, куим, нель, вит...

— А квайтөдыс нө көні?— горөдіс Аннуш.

Батьыс бара гораа серөктіс. Но сэсса лабутнөя нин содтіс:

— Квайтөдсө аддзам жө, эн тэрмась. Вай кыкнан кисьым өтлаын став чуньсө лыддям дай аддзам и квайтөдсө.

## МЕДВОДДЗА КӨДЗЫДЪЯС



адьмис асывнас Танюшка, муртса на эшкын увсьыс петіс, пыр и йөжгыльтчис. Керкаыс көдзыд. Öшиньясыс гьөраөсь, ывлаас шонді ворсөдчө, асьыс югөрьяссө веськыда өшиняс швачкө.

Мамыслөн ыджыд пачыс ваймөма нин, ичөт пачсө буретш ломтө, трачкөдчө сартасөн. Танюшка тапсьөдіс мамыс дорө көмтөм коконьяснас, сывьяліс мышсянныс.

— А-а, чеччин, дыр узьысьөй?— шыасис мамыс.— Аддзан, шондіыс мый вылна нин.

— Ывлаыс шондіа, а мыйлакө гортын көдзыд,— норасьыштіс нывка.

— Төв воис, сы вöсна и кöдзид. Төвся шондйид оз нин шонты. Войнас сэздöма дай керкатö дзикöдз кöдзöдöма. Сы пыдди ывлаыс кутшöм гажа лоöма! Видзöдлы öшинь пырид. Пелысьыд да кыдзыйд кызди вöччöмаöсь. Пушкирвидзöны гыöрысла.

— Вöччöмаöсь? Найö ёлка вылö мунны кöсйöны? — шензыйштöмөн юалö Таня.

— Йöюк тэ, — нюммунис мамыс, босьтис кöмтöм нывкаöс моздорас, окыштис да мöдиc öшинь дорас. — Ёлкаасян кадыс Выйль во дырйи лоö. Дай кытчö пуясыд мунасны? Найö оз ветлыны йöз моз. А вот гöстьяс, пыстаяс, воöмаöсь ми ордö. Ти, чоя-вока, петанныд да гажöдчыштаннйд на дорын. Öльö вокыд петис нин даддьөн. Исласыйшта пö дай пыстаяссö вердышта. Порсь тшöг торпыриг петкöдисны батыдкöд. Шöртөн пö пу вожъясас öшöдлам. Да со и асьныс найö буретш кыз пу дорад тшöг торьяссö öшлöны. И пыстаясыс сэнöсь жö, жбыръялöны пу вожъяс косттыс. Сёйны корöны.

Аддзис и Танюшка жбыръялысьястö да босьтчис кекöначасыны:

— Сэтшöм ичöтикöсь! А морöсныс виж!

Нывкалы тшöтш окота лои петны ывлаö, мынтöдчис мам моздорсьыс.

— Петан, петан, — лöньöдыштис Танюшкаöс мамыс. — Удитан на. Луныс сöмын заводитчö. Вай кокад мыйкö öдийöджык суй да мыссьышт. А сэсся сёйыштам дай петан.

— А найö кö пышъясны?

— Коді? Батыд да Öльöкыд? Найö сёйны жö пырасны.

— Мамö, тэ кутшöм тöлктöм. Ме пыстаяс йывсьыс шуа.

— А-а, найö? Оз пышйыны. Порсь тшöгтö найö ок ёна

радейтöны. Тöвбыд тан кутасны ноксьыны. Тулысьявылыс сідз тьвинькайтны-сьывны пондасны, тэныд да Öльöлы аттьö висьтавны кутасны.

— И батыдлы тшöтш. И тэныд. Тэ öд ичöt пачтö ломтін, да налы шоныдджык лои.

Мамыслөн петіс серамыс:

— Ок тэ, менам Танюшöй. Ставнымлы, дерт, пондасны сьывны.

## ЧУДО-ЮДО



авликлөн бабыс аддзис звöз помсьыс зонкаяслысь вугыр шатинөн ноксьöмсö да радлыштіс быдөн:

— Но-о, апостольяс, Петыр да Павел, бара черитö кыйны мöданныд? Ветлö, дитяяс, ветлö. Да Ленточтö тшöтш босьтöй. Бовъялö со, коньöранöй, öшинь улын. Керкаö оз пыр ни ме дорö град йөрö оз лок. Ветліс чомйысь ворсны, да бара, тыдалö, лөгасьöма нывкаясыскöд.

— Колö тай миянлы чуш паръя дрöчкаыд! — Заводитлісны пыксьыны кык друг, да бабыс вомаліс найöс:

— Но...Но... Гулюяс... Карса гöстя вед сійö. Дай, бур ногөн кө, чой на Пашуклы лоö. Вежон на тани олö, да дерт. Нөрöвитлам. Велалас.

Зонкаяс здук-мöд чукрöдлісны на нырнысö, но бабыслы эз пондыны ыръянитны, кывзысисны:

— Мед инö мунас.

Бабыс малыштис зонкаяслысь юрнысö да дзик пыр и чукöстис Ленаос:

— Ленточ! Кöни тэ? Лок татчö, дитя, миян дорö! Вуграсьны Пашукъясыд мөдöны! Тэнö тшöтш кöсьöны босьтны!

Нывка кылöма чукöстөмтö да кыйкнитлис керка сайсяньыс. А сэсся и ачыс мыгчысис. Ньöжйö восьласөн пондис тапиктынылокны. А кор сибöдчис баб дорас, ляскысис сылы кынöмас да кутис лимзыны:

— Ме некор сэсся ог мун чомнад ворсны! Ме пыр Павликъяскöд понда чери кыйны ветлыны!

Павлик да Петя серöктисны:

— Босьтам кö...

— Босьтасны,— такöдыштис нывкаос бабыс да содтис на:— Пашук тэныд и вугыр шатин бадь вожйысь вöчас! Рытнас нывка-пöдругаясыдлы ошйысьны на кутан, сы мында пö чери вуграл!

Нывка синва сорнас серöктыштис да крепыда сывъялис бабсö. Но зонкаяс вөрзисны нин да тувкыштисны сылы бокас:

— Вötчы, а то колян! Бöрас окасянныд.

И со чери кыйысьяс мөдисны вадорлань. Лена гажаа шенасигтыр котöртö зонкаяс водзвылын.

Инасьöм сьөлөмөн баб мөдис капуста градъяс дорö. Но эз на удит и öти град весавны ёгсьыс, потшöс дорсяньыс кылис нывкалөн чилöс, гора гөлöсыс:

— Бабук! Бабук! Видзöдлы, ме вöv вылын!

Бабö лэптис юрсö да дивуйтчö. Да, збыль öд, Ленточыс вöv вылын пукалö! Павлик вövсö дом поводöдыс нуödö, Петя вугыр

шатынъяснас вѳтчѳ вѳла бѳрся. Кымынкѳ нывка кытшалѳмаѳсь вѳлатѳ, дзользьѳны ракапаян моз.

— Бласлѳ крѳстос!— Бабыс уськѳдчис потшѳс дорас.— Мый нѳ нин лоис?

Павлик чѳрк сѳвзьысѳс ыджыд дядьѳяс моз, юѳртіс:

— Со... Бѳр вайѳмѳ. Такѳд некутшѳм черѳ кыйѳм оз ло. Лѳкгоршѳн чѳрзѳ да. Быглясьысь вѳв аддзѳма пывсянъяс сайысь да сѳтшѳм зык лѳптїс, повзьѳдїс весѳг мѳянѳс. Чудо-юдо пѳ ѳстѳнї! Вѳт юра! Ѳтѳ ыджыд юр дай нѳшта нѳль ычѳтѳк юр веглясьѳны! Повзьылѳм бѳрад сералїм да сералїм. А сѳссия пуксьѳдїм ѳтайѳ чудосѳ вѳв вылас, дай со... Вайѳдїмѳ. Мед нывкаясыскѳд ворсѳ. Мѳянлы оз ков.

— А мѳ огѳ нин чѳмйысь ворсѳй, мѳ вадорѳ нин купайтчѳны мѳдїм!— Гѳлчѳтїсны нывкаяс да корисны то Павликлысь, то бабыслысь:

— Мед тшѳтш мѳянкѳд лѳччас Ленаыд. Лѳсьыд ѳд сѳнї.

— Мед лѳччѳ,— дышпырысь сѳглас сетїс Павлик да лѳдзѳс нывкаѳс вѳв вывсьыс.

А бабыс сѳмын шеньшгтїс кѳяснас, лѳччѳй пѳ, лѳччѳй, купайтчѳй. Мед нин нывкаыслѳн ынасяс лолыс. Юыс налѳн шор кодь, оз вѳйны. Оз жѳ, гашкѳ, нѳсилкаѳн вайны дѳна гѳстясѳ, дрѳчка кучѳкѳс, прѳсти госпѳдѳ.

Леналѳн век шешвѳдзѳс вѳмыс да дзѳрдалїсны сѳнъясыс. Чутѳдїс Павликлы бокас да кайтїс:

— Павлик, Павлуша, мѳ аски быть тїянкѳд вуграсьнытѳ муна, а талун лѳччыла нывкаяскѳд купайтчѳны. Ладнѳ?

Павлик нинѳм ѳз шу. Сїйѳ тѳдїс: тайѳ нывкаыс кѳ сѳрасяс на дорѳ, вуграсьлытѳм нин лоѳ.



анюшка садьмис нин, но дыш вöли чеччыныс да сідз куйліс вольпасяс. Помöй ведраөн пырис пöчыс, шызьöдіс керка пытшкөссö:

— Танюшкаö, тэ тай нö век на узян! Толикыд батыскöд важөн сарайö гычан\* öшöдны петісны-а. Вунöдін öмöй: Ыджыд лун талун. Поснияслы качай лун.

Танюш звирк чеччис, тэрыба мöдіс пасьтасыны:

— Ой, ме пета видзöдла!

Кöмтöм кокнас и ризöбтыны дась нывкаыд, да пöчыс кутыштіс, сывъяліс да окаліс шоныд бандзибсö внучкаыслысь, «Кристос вöскресе» шуис дай вöлись лэдзис:

— Петав инö, да кокад мыйкö суй, эн сідз пет.

Кашкигтыр пырис Толик, шапкаыс киас, öвтчö сійөн, юöртіс:

— Лёняös чукöсті! Шурикös...

— Но-о, удитін нин?<sup>2</sup> — шензьыштіс пöчыс.

— Ме öдйö тövзьыштілі...

Таня чушнитіс парсö, бугжыльтчыліс вокыс вылö:

— Шурикыс нерсьö пыр, сійös эз ков корны.

— А коді öддзöдны кутас?<sup>2</sup> Шурикыс — медся ён! — пыксыны кутіс Толик.

Эз сетчы и чойыс:

— Ми асьным. Галкаös кора, Катяös.

— Да-а, ті няргысь нывкаяс сямманыд мыйкö! Колö вед

\* Г ы ч а н — гытсан.

качнитчыны вылө-вылө! Улөсө ачыс качайыс лайкнитчас, а вылөсө бара на выныштчыны колө!

— Но и мый? И качнитчам!— дэльөдчыштіс чойыс.

Пөчыслы ковмис суитчыны на костө:

— Энө көть венө воёй, чоя-вокаяс, вежа лун талун. Ставныдлы тырмас, ставныд төранныд. Бурджык, пөрччысьөй да пуксьөй пызан сайө. Мамыдлөн самөвар дась, пось нянь петөма, вежа нянь пөжалыштім и. Сөйыштанныд да петөй, сэсся лунтыр көть качайтчөй. Тіянлы гажа ворсөм и лоө...

Лун шөр кад кежлө чоя-вокалөн сараяс чукөрмөма посни гөстьыс унакодь. Нарошнө Толик лыддис, да көкъямыс өкмис. Шурик асьыс ичөтик чойсө, Анечкаөс, вайөдөма, дай Катя абу өтнас, Сергунчик вокыс тшөтш сулалө зонпосни пөвстас. Сійөс и медводз пуксьөдісны гычан пөв вылас, самөй шөрас, орчөн Танечка да Катя сөлісны. Кутчысьөй пө асьныд гезьяс дай Сергуньсө кутөй, мед оз усь, велөдісны Толик да Шурик. Асьныс сувтісны гычан пөв өтар-мөдар помас да кутісны качайтны.

Качмуніс гычаныс, а сэсся мөдіс лайкъявны. Первойсө чилзөмыс вөлі пукалысьяслөн и ортсын сулалысьяслөн. А сэсся велалісны да Таня Катякөд сьывны босьтчисны.'

«Вөрын чужис ёлочка» дум выланыс усьөма, да Шурик вомальштіс найөс, абу пө өд Вэль во.

Падмыштлісны нывкаяс. Сергуньыс на и мездіс найөс: «Пызйөн кывтатө пө вай сьыйыстам».

Серөктісны ставныс да шушкыль кывлысь вөзйөмсө и горөдісны. Гычанын пукалысьяс и коді эз төр гычанас. «Кывтам-кывтам Эжва вывті-и...»

Коді на и төдас, кодлы лөсьыдджык вөлі тайё здукас — гычанын пукалысьяслы али сарай пасьта котралысьяслы? Патурликасыны найё сарай пельөсас кос турун пытшкын, шуркнитлісны восьса звөз өдзөсті ывла ывлөдзыс, дзользисны, чилзисны лэбачпиян моз.

На бөрся син да син колө. Пөчыс төдіс тайёс да раз-мөдысь нин петыштліс сараяс. Гычанё ывлясьлы отсаліс пуксьыны, кодсюрөлысь ныр увнысө нагруник бөждорнас чышкыштліс да збодера кайтіс:

— Со өд, со өд, бобукъяс! Гажыс тиянлы! И ми ичөт дырйи тадз жө... Öчередьөн, öчередьөн вежласьöй... Мед ставныд пөттөдзныд качайтчанныд...

Танюшөс, Катяөс да Сергуньөс джоджас лэдзисны, на местаө пуксьөдісны Лентяөс да Галяөс, а коймөд местаыс тыртөм лои. Анна тьотка жө Ванюшсө вайліс! Көн нө сійö? Регыд на патурликасыс кос турун ывлас да!

Ичөтик Галюк мыйлакө бөр пондіс лэччыны джоджас.

— Галюк, тэ мый? Исясьны, гашкө, көсьян?

Галюк нем шутөг тапиктө мөс сөөдчан лясни дорас да индө чуньнас уліас, карталань:

— Сэні сійö.

— Сэ-э-ні-и?! — шай-паймуні пөчө. Уськөдчис ляснилань, видзөдліс увлань — некод оз тыдав. Мөскыслөн баксөмыс сөмын кылыштис.

— Господи... Ванюш! Ванюш! Тэ көні? Кылан менö?

Гузь чукөрмисны лясни дорө и челядь, горзёны: «Ванюш!»

Лясниын туруныс быттьөкө вөрзискодь. А сэсья и еджыд юрыс мыччысыс, усигас шапкасө воштөма. Гөлөсыс кыліс и:

— Ме вед эг нарошнө... Ми Галякөд ворсім-ворсім...

— Эз некыт доймы? — юасисны челядь, а пöчөлөн пос нин дась.

— Толик! Шурик! Тi мукөд бөрсяыс видзөдöй, а ме, час, лэччыла! Регыд и пöчыд Ванюшөс мездiс лясни пленсьыс, сөмын шапкасö корсьны Толик да Шурик мөдысь на лэччылісны картаö.

Ванюш чушкөдöма парсö, дузгөдчöма да код вылö кö норасьны зильö:

— Дыр эз пуксьöдны качаяс да...

— Сийөн инö и лэбыштiн увлань юрөн? — сералöны челядь.

— Гыйкнуис туруныс да...

— Абу тай доймöма. Мед лэбыштлис кö! — воштылөм шапкасö Ванюшлы юрас пуктигмоз стрöгакодъ шмонитьштіс Шурик, а Толик содтіс: — Лётчик лоö, космонавт! Пуксьы качаяс, самöй шöрас, да ёна кутчысь. Энлы, ми Шуриkkөд тэнö лэбөдлам сарай йирк дорөдзыс!

Пöчö кевмысьыштіс:

— Энö, пиукъяс, эн Ванюшсö öбидитöй. Ньöжйөнник...

— Да ми шмонитам, пöчö! Вай тэ тшöтш пуксьы Ванюшыскөд. Ньöжйөнник и пондам лайкйöдлыны, — корны кутісны Шурик да Толик. Танюш внучкаыс и мукөд челядь дзайгыны кутісны и:

— Пöчукөс, пöчукөс тшöтш пуксьöдны!

Пöчö ышловзис, сывтыръяліс матігөгöрсаяссö, кайтыштіс:

— Эштіс, дитюкъяс. Менам кадыс кольöма. Меным и гычантöгыс долыд. Тiянлы кö гажа и. Ванюшөс со Енмыс видзöма доймөмсьыс и.

Пажын кадөдз сэсся сідзи и эз эновтлы пöчö сарайсö. Челядькөд ноксис. Нуръясян кад локтіс, пöсь шыд сөйны ставнас аравасö керкаас пыртіс.

Танялы да Толиклы радыс!

— Миянын та мында гөстыс некор на эз и вөвлы! Мед и гажа лоас ставнымлы! Телик на озтам да мультик видзөдыштам и, — бергаліс дждж шөрас Таня да радліс медьёна.

## КЫК НИНА, ДА ШЫР ОЗ ПОВ



елядь ворсісны школаысь. «Школаыс» налөн Мишө Вась керка мышкын лэбув бокас, пашкыр льём пу дорын. Партаяс пыдди — гажа ластва вылыс. Учительлөн пызаныс — сельмаг дорысь вайём панера ящик, а улөсыс — дженъыдика пилитөм кер пом. Учительницаыс — Мишө Вась дядьслөн өтка нылыс, Нинаыс. Сійө сюсь да төлка нывка, сизим ар нин тыртө.

Нөшта мөд учительница школаын эм, Мишө Ниналөн пөдругаыс, Нина нима жө. Кык Нина тшөтшгьяяс, ёна лөсялөны. Öтиыс кө урок нуөдө, мөдыс — пуктас пель саяс карандаш, вөчас стрөг чужөм да пуксяс велөдчысьяскөд ластва вылас жө, бокөджык. Сійө — школа директор, локтіс урок кывзыны.

А велөдчысьясыс — сиктысь матігөгөрсө посни войтыр. Катя да Маша аканьяснас, Нюрка — путкыль кодь кыз да лөнь Василь вокыскөд. Шушкыль кывъя Шурик сөмын өтнас, да и то тшөкыда зептас вайлө истөг көрөбө йөртөм гут либө гаг.

Овлö налөн школаас физкультура, сьылан-йöктан да коми кыв велöдан урокъяс.

Физкультура да сьылан урокъяс дырйи тшöкыда артмывлö, мый и учительница, и стрöг директор ышмöны да заводитлöны кекöначасьны да патурликасьны веж ластва вылас.

Медся лöнь урок — пырджык коми кыв велöдан урок.

Талун стрöг директорнас ачыс кöзьяйкаыс, Мишö Нина. Сийö весиг бабыслысь öчкисö петкöдöма да ляскöма ныр вылас. Урок нуöдны пуксис панера ящик сайö мöд Нинаыс. Сылөн тайö урокыс артмöджык дай мича серпасалöм картинаяс сылөн эм. Со пызан пасьтаыс картинаяссö разöдис, а öтиöс лэптис да шыасис посни велöдчысьяс дорас:

— Мый татчö серпасалöма? Коді тöдö?

Ставныс жö аддзöны: керка тайö. Весиг ичöt Васьтоль лэптис кисö.

Тайö кадас друг лэбувсянь кыліс ыж бакöстөм шы: «М-ме-е-е!»

Челядь серöктисны, но эз пыдди пуктыны бакöстөмсö. Эз ышмыны.

— Кымын öшинь керкаас, коді висьталас? — водзö нуöдö уроксö учительница. Лэбувсянь бара «М-ме-е-е!» кыліс.

Но, тайö нин вывтi! Челядь босьтчисны нерны ыжöс, баксыны, öта-мöдныслы сюраня-бутаня петкöдлыны. Учительница эз тöд, мый керны. Урокыс сылөн дзикöдз торксис. Жугыльмис. Но кöзьяйкаыс, Мишö Нина, сы вылö и директор, пöрччис öчкисö да сийöн шенасиг кыз тай горöдас:

— Прекратить!

Ачыс уськөдчис лэбувланьыс да пондiс кулакнас гымöдны стeнас:

— Мегö, ланьт, буди! Тэ менö кылан? Ог вед кут няньнад чöсмöдлыны!

Но ышмöм челядътö сьöкыд нин лөнъоднытö öнi. Ку пиысь быттö петисны. Тшöтш ичöt кекөнъяснас вачкöны лэбув стенö да чилзöны:

— Ланьт, буди!

Найö эз и казьявны, кыдзи лэбув пельöсысь чепöсыйс шыр да дзевсянiн корсигмоз котöртiс учительница лөн панера ящиклань. Öтнас ичöt Василь шыртö аддзылис. Сийö вывти кыз да лөнъ кага, медым мукöдъяс моз чиктивны. Пукалис прöста турун вылас да видзöдiс тайö ставсö. Шыртö тай аддзис да ловзьыштiс жö быттö. Чуньнас индö панера ящиклань да «Шыр!» горзö. Сэки и учительница Нина шогалöмсö эновти. Сийö ёна полö шыръяссьыд да «Кöни?» чилöстiс Васюклы, да пондiс кавшасьны учитель пызан вылас.

Сылөн чилзöмыс да пызан вылас кайöмыс и лои быттö команданас, медым ставөн лөнисны. Видзöдöны чилзысь учительница вылас да оз гөгөрвоны, мый лоис.

Буракö, ас саяс медводз воис век жö көзьяйкаыс, Мишö Нина. Сы вылö и сийö директор. Сибöдчис учитель пызан дорö да юөртис:

— Всё! Урок помасис. Бурджык физкультура вöчам.

Сэки век на места вылас пукалысь Васёк лэптис кисö да шыасис:

— А ме мыйкö көсийи на висьтавны да.

— Висьтав!— стрöга крапкис директорша Нина.

— К-кык Нин-на, д-да шыр оз-з пов-в,— мыкталiгтыр шуис

Васёк да кекөньяснас тупкис чужомсö. Сылы вöли яндзим мыкталöмсьыс да.

Стрöг директорша кайтыштіс сылы:

— Двойка тэныд! Оз кө пов вед, эз пышйы.

Васёклы сэтшöм öбиднö лои, чушкөдіс парсö да бөрддзис. Нюрка чойыс такөдіс сійöс, чышкаліс вокыслысь синвасö, шуалис:

— А ыжыс вед, шу, повзис. Да вед, Васик, тайöс вед көсйин шуны?

— Т-т-тайöс,— нурбыльтіс зонка.

— Тайöс, дерт. Молодеч Василёк! — дорйыштіс ичöтиктö и Нина-учительница, коді панера ящик вывсьыс чеччыштігөн музгыльтöма коксö да буретш малалис сійöс.

Сэки бурмис и стрöг директор да шуис мөд Нинаыслы:

— Пятёрка инö пукты. Сійö öд некор на эз пöлучитлы пятёркасö.

Та бöрын челядь дыр на чиктылісны да кайтісны Василёкысь кывьяссö:

«Кык Нина, да шыр оз пов! Кык Нина, да шыр оз пов!»



уриклөн батыс да ыджыд вокыс, Васё, мөдисны  
вөр видз вылө турун ытшкыны. Шурик тшөтш  
пондiс вөйысьны:

— Босьтöй менö, ме тшөтш кöсья ытшкыны.

Батыс серöктiс:

— О-ок, ытшкысьыс! Босьтим эськö, да верст-мөд лоö, мудзан.  
Дай номьясыс сэн нямасны.

— Ме ог пов номьяссьыд, ме найöс со кыдзи вачкыны кута!  
И ог мудз! Тöданныд, ме кыдзи котрала!— Эбодериника  
ошйысьыштiс Шурик.

— Но, сiдз кö... Пасьтась, мунам,— сöгласитчис батыс.—  
Миянлы сэн чай кöть пузьöдан.

Восьлалiсны вөр трöпатi, танi ыркыд, лöсьыд. Мудзыштiс, дерт,  
ичöt зонкаыд, но места вылас воом бöрын пыр и вöйыс:

— Öзтам бипуртö, ме чайтö пузьöда.

— Нөрöвитлы,— паныдалiс батыс.— Дзик пыр огö на  
пондöй сёйны-юны, уджалыштам первой. Пажын кежлö и  
пузьöдан чайтö. А öнi пока мун чöскöдышт вомтö, эстөн  
видз пöлöныс зэв уна оз овлö. Миянлы на, колökö, кабыр  
ваян дай.

— Ме вая, вая!— пöслукман зонкаыд пыр и уськөдчис видз  
пöлöныс быдмысь вөрлань да сэссия сысянь дугдывтöг пондiс  
чуксасьны-горавны:

— Пап, ме аддзи, аддзи! У-у, мыйта! Пев пом кодьöсь!

— Кокась,— воча горöдлiс батыс да шаркйис-ытшкис

небыд вөр турунсө. Васью бёрсьыс вөтчө, тшөтш өвтчө косанас.

Муртса удитисны покос-мөд вөчны, вөр дорсянь кыліс лёкгоршөн чирөстөм, а сэссия и ачыс чирзысьыд мыччысис кустьяс сайсянь. Горзіг да кияснас шенасигтыр котөртө веськыда батыслань ытшкытөм турун пөвсттіыс.

Ытшкысьяслы ковмис эновтны покоссө.

— Мый нө лоис?

— Жу... Жу...— Сөмын и артмис зонкалөн. А чушканзіыс сы бөрся, гашкө, дас ли кызь, сідзи и гартчөны.

Васюлөн ас төдлытөгыс петіс серамыс: ичөт вокыслөн парйыс гөрд свеклө моз польдөма, а син пөлыс бердөма ыджыд пыкөс сайё.

— Серав!— чырыштіс батыыс ыджыдджык писө да кватитіс ичөтсө, ляскис му бердас, ачыс лажыньтчис сы весьтө.

Васю эз удит ни пөттөдзыс серавны, ни помөдз гөгөрвоны, мый лоис. Кыдз тай пуля моз сатшліс мыйкө сылы пель бокас, сотыштіс яр биён моз. Ковмис скөрмөм ош моз равөстны да усйысьны тайө местасьыс.

Регыд «мессерьяс» (тайө батыыс тадз шуис чушканзіяссө) эновтісны дөзмөдчысьяссө, разөдчисны. Батыыс вайөдліс питорсө кыдз пу дінө, кытчө өшөдлісны көлуйсө да пажын сумкасө, такөдыштіс ойзысьөс:

— Энлы, пиө, лечитам! Волшебной турун корсьлам да.

Локтіс на дорө и Васю, коді вөлі пышйөма весиг шор мөдарөдзыс. Кутө пельсө да броткө-пинялө ичөт воксө:

— Дур-ракыд, кытысь и та мында зісө сьөрсьыс вайөма? Менө тшөтш чушкисны.

— Да кухөмья хар, мяч кодь, өхалө хетөр кухтын. Ме көсий

босьтны харсö, а найö... Жу-жу! Уськөхчисны... — Пыктöм парнас муртса вөрöдiгтыр висьталiс Шурик.

— А-а, позсö инö аддзин да вөрзёдiн? — шпыньмунис батьыс. — Правильнö вöчисны! Молодечьяс, бура дорйисны ассьыныс оланiнсö! Медлы, шу, миянлысь керканымöс кодкö вөрзёдлас! Дорьям ог? Тöданныд, кутшöм сложнöй да сьökыд удж зiясыслы колö вöчны, пока артмас шар кодь гöгрöс да мича позйыс. Найö первой сiсь пу няклялöны ичöтик пинь-вомнас. Дуль сорнас артмö налөн мыйкö руд бумага кодь. А сiйöс öд нöшта на колö клеитны да лöсьöдны, медым гöгрöс да бур артмас позйыс. И тöлын абу кöдзыд, и гожöмын абу жар.

— А тэ, батьö, кысь тайöс тöдан? Миянöс тай эз велöдлыны школаын-а.

Батьыс ышловзис:

— Школаад, пиук ставсö он велöд. Колö содтöд и лыддысьны на. Ме лыддылі кутшöмкö журналысь. А сэсся öд олöмыс велöдö. Сiйö, брат, сэтшöм школа! Да вед, Шурик-жужурик? Жужуясыс велöдыштiсны, эз?

Шурик тiлис пыктöм синсö да нюлiс кывнас дундöм кыз парсö.



чөт Машуклөн ыджыд семьяыс водз асывсянбыс разалис коді кыгчө. Батыс трактор дорас муніс, мамыс — дворө тайтөяс дорас, пöльыс чер босьтіс да вөрө мөдіс. Лена чойыс да Витя вокыс школаө котөртісны дай. Машук да бабыс сөмын и колины гортас. Да со и бабыс пасьтасьны кутіс. Петыштла пө сараяд, картупель бөрийышта, а тэ пө, Машук, ворс гортын, эн некыгчө пет, көдзыд ывлаыс, шлякыша зэр киссьө.

— Ме аканьөн ворсны кута, — збоякодь и көсйысис Машук да дзик пыр чача кудсө кыскис шкап увсьыс, сюр-сяр разөдіс чачаяссө.

— Со, со... Ворс, дитя, ворс, — кайтыштіс бабыс дай петіс өдзөс мөдарас. Дзуртыштіліс өдзөсыс, воссьыліс да пөдласис. Лөнь лои керкаын. Машукөс друг босьтіс сэтшөм гажтөм. Ни аканьыс, ни мукөд мича чачаяс эз гажөдны ловсө. Окота лои вөтчыны бабыс бөрся. Но бабыс өд тшөктіс гортас ворсны. Дөзмас, он кө кывзысь. Сывъяліс нывка муса аканьсө дай пондіс лимзыны-бөрдны. Но регыд сылы юрас воис мөвп. Лөнис. Водтөдіс аканьсө, өввө-бай сьылыштіс да сэсса бабыс гөлөсөн шыасис:

— Узьышт, дитя, ме петала сарайө. Регыд бөр локта, эн бөрд.

Суйис кокас чойыслысь ыджыд тапки да шлөп-шлөп пасьтөгыс и петіс посводзас. Сарайө катөдан пос тшупөдсянь и горөдіс:

— Ба-а-бө!

Сараяс вөлі рөмыд, пемыдгорув кодь, ван восьса звөз өдзөсті пөльтіс скөр төв. Сарай джодж пасьта пасьвидзис ыджыд



картупель чукөр. Сэни и ноксис бабыс. Аддзис Машукös, броткөдчис:

— Куш кокчөрнад тай нө! Лешакпи, мыйла нө петин?

— Ме... Ме нөкъя нянь көсья!

— О господи, өни на сөйим да!— шензьыштис бабыс, но эз понды пыксыны, энвтис картупель ведрасө, веськөдчис посводзлань.— Лок, титимера. Пыр вай, гегдан!

Пырисны. Бабыс эз и пөрччысь, мыськыштис кисө да шөрыштис ыджыд шөрөм, мавтис нөкйөн, сетис Машуклы:

— На, сөй, да сэсся өбедайтны мамыд регыд воас.

Бабыс эз и дыр манитчы гортас, «ме петыштла на нөшта» шуис да бара петис. Машуклы бөр гажтөм лои. Көть тэ мый кер, ымзө сьөлөмыс дай став. И нөкъя няньыд оз пыр воас.

Чөвлы жө... Öни Машук абу нин йөй, оз понды гортас никсыны-бөрдны, петас сараяс бабыс дорө. Сөмын пасьтасьны колө. Кыдзи мый кужис да артмис, пасьталис вылас дай петис сараяс.

— Ба-а-бө!

Бабыс юалис шензяна:

— Бара нөкъя нянь ковмис?!

— Э-эз. Ме, бабук, петі тэныд отсасьны.

— Отсасьысь...— серөктис бабыс да медводз ныр увсө нывкалысь чунь помнас чышкыштис, сэсся выльысь пасьтөдіс-көмөдіс да вөлись шуис:

— Ладнө инө, отсась. Со мыйта картупель колө бөйыны.

# ПӨРЪЯСЯН ЛУН



ишук велөдчө первой классын. Быд асыв школаө мунигөн сийө зэв лабутнөя шулис:— Но, ме мөди, бабө!— и петалис өдзөс саяс.

Тайө луннас бабыс манитьштіс зонкаөс, төдан он пө, внучек, первой апрель талун, пөръясян лун.

Миша серөктіс:

— Ха, мыйла ог төд? Төда. Сөмын абу пөръясян лун, а сералан лун.

— Кыдз көть шу, мед сөмын тэнө, питорйөс, эз пөръявлыны-а,— ышловзъыштіс бабыс, да Мишук сылы вочасө өдйө и крап-кис:

— Менө пөрйөдласны? Ачым ме кодөс колө пөрйөдла!

И петіс. Бабыс сөмын шеньштіс кинас.

Воис школьник пажын бөрын, шлапкис лабичас портфельсө да первой делө и ошйысьыштіс:

— Захаров Юраөс пөрйөдлі, Панюкова Елена-беленаөс дай девятойысь куритчысь Шурикөс! Ой, бабө, аддзылін кө, ёна и серамыд петіс! Шурик, мися, со ме няклялан резинка кыкөс ньөби. Школадорса киоскын сэтшөм донтөма талун сеталөны. И папирос кык пөв донтөммөдөмаөсь.

— Збыль папиросыс донтөм?— букыштчыліс ме вылө Шурик, да ме тэрмаси кыскыны зептысь няклялан резинкасө да шуны:

— Дона кө, мый вылө кыксө ме ньөби?

Шурик дзик пыр и уськөдчис ывлаө да поссө лэчигөн

сконйыштчис ли мый ли, жмут уси. А ме тэрмөдла, бырө вед, мися, донтөм папиросыд, мун өдйө!

— Вильышпоз тэ. Музгыльтис кө коксө Шурикыс? — кайтыштис бабыс.

— А-а, мед оз куритчы дай. Вомсө паськөдөмөн мед оз быдөнөс кывзы дай.

Татчө бабыс нинөм эз шу. Сөмын, кор Мишук пөрччысис, бабыс шыасис бара:

— А кодъяс миян эмось, тэ кө төдан! Вай пыралам чуланад.

Мишук петитчыштис:

— А тэ, бабө, он пөръясь?

— Пөръясь, — нюммунис бабыс да гырысь восьласөн мөдис чуланланьыс. Мишук эз кольччы.

Чуланын джодж пасьтаыс сильгисны-сьылісны вижоват ловья көмөкъяс.

— Сильөпиян! Кытысь нө? — шензъыштис Мишук.

— Батъыд вайис. Ньөбөма Зеленечса фабрикаысь. Мишук пө мед быдтас-дөзьөритас, радейтө кө кольк сёйны.

— И мый! И быдта! Кута ёна дөзьөритны! О-лө-лөль, кутшөм мусаөсь! Позьө өтиөс киө босьтлыны?

Бабыс гогнитыштис юрнас, позьө пө. Но сөмын на Мишук көсйис кутны өтикөс, бабыс зэв чорыда несйис. Сильөпияныд и ставөн лясмунисны джодж бердас. Лөнисны, куліны быттьө.

Повзис Мишук, чирөстис:

— Ой, бабө, бабө, куліны ставөн!

— Кыдзи куліны?! Зэв визулөсь өні на вөліны да, — ымөстис бабыс да босьтис өтиөс, вайөдис вом дорас, ас шоньыднас, думсьыс, көсйис шонтыны. Сильөпиыд тай друг восьтис синсө да жбыр-

книтіс бордъяснас и уси джоджө. А сәні и мукөдыс пондісны вөрны да сильгыны.

Мишук гажаа серөктіс, кекөначасьыштіс:

— Пөрйөдлісны! Ок, ичөтик пөръячкаяс! Кулөм улө со сетчылісны! Тшөтш төдөны пөръясян лунтө!

— Колөкө, и төдөны...— нюммунис и бабыс да бур здук сәсся нюмвидзисны да нимкодясисны баба-внука быдтасъяснас.

## ОРТСӨ КОЛЬКЪЯЛЫСЬ ЧИПАН



сывнас тэрыба нюм-нямкерөм бөрын Василөк уйкнитны нин көсйис ывлаө зонпосникөд ворсны, да мамыс чукөстіс сійөс, энлы на пө тэ, Васильө, пышйы, удж талун тэныд эм. Көнтусь сера чипаныд вежон нин оз позъяс колькъяв, тшук бокө вайө. Кыйөдны ковмас тэныд, пиукө.

Чушкөдліс парсө Василь, вишкөдчыны пондыліс, да ыджыд вокыс сэтчө суитчис:

— Вася-Василөк, ыждадан тай нө. Рытнас мотоциклөн гөнитөдыштны көсйи-а.

— Ой, мотоциклөн?!— Здукөн и вуні Васильлөн няргөмыс, кекөначасьны пондіс.

Өні зонкаөс мый көть тшөкты — ставсө вөчас. Мамыс төдө нин питорйыслысь этшсө да уна сёрниттөг и наказ сетіс:

— Чипанъясыд кильчө помынөсь на, босьт шьдөстор да пет

вердышт. А сэссия видзёдывлы чипан бёрсяыс, кыйёд, кытчө мунас. Гашкө, бара пөжсьыны кёсийö. Колян вотö, помнитан, льöм пу йөрö петшөр пиас вöли поэтысьлöма?

— Таво, пöди кö, бара сэтчö, — эскöдыштис Васёк да кватитис мам кисьыс шыдöс гырничсö, чепöсийс кильчö помас курөгъясöс вердны.

Найö разöдчыны нин кутöмаöсь, но öдийö шелöдисны-воисны бөр Васёк гөлöс шы улö.

— Чип-чип! — горзö Васёк да койö шыдöссö.

— Цап-цап-цап, — öдийö сарпийöны-кокалöны курөгъяс чöскыд шыдöстö. Быри сёяныс, вешйисны бокö, пондисны разöдчыны. Кымынкö курөг со петрöванкөд куйёд чукөрлань мöдисны. Контусь сера чипан кольчис, туй выв бусас мöдис пуркйысьны. Мед пуркйысьö...

Здук кежлö и Василёк ылавлис, кильчö помас энөвтöм мачөн ворсьштис. Кватитчис: сера чипаныд некөн оз тыдав, воши кыгчökö.

Корсьыштис жö зонка! Став йöрсö кытшовтис, льöм пу садьяс пыралис, звöз вывтйис сараяс кайлис, град костьястй ветлис — некөн абу. Бөрти амбар дорсьыс котсьöм кутис кывны да амбара-көбрега костас видзöдлис. Сэни и эм! Небось, адзöма места! Весът куим пасьта и эм костыс, бёрсянныс и водзянныс пöвъясөн тупкöма, некод сэтчö пырны оз вермы да кольксö гусявны. Зэр оз жö кötöд дай, жытник вевтыс кутö. Тулыснас шыбитлис мамыс сэтчö картофель тупьялан пакля-торк. Небыд торк вылас и тэчöма колькъяссö. Сизим еджыд гөгыль тыдалö. Но и контусь сера чипан! Пөжсьыны и эм кёсийö! Гөгралö колькъяс гөгöрыс да котсьö.

Рытнас мамыс ошкыштис питорсö, а чипансö пиняльштис, бара пö пөжсьö.

— Мед но, мамö. Сильöпиян мян лоасны,— кайтö Васёк.

— Мед, дерт,— ышловзис мамыс.— Кыдзи сэтысь колькъяссö судзöдан? Мед и лоас тэ ног. Петасны сильöясыс, да тэ и кутан чередитны, вердны да юктавны. Быдтан да уна кольк сёйны кутан.

Сералö мамыс. И Василёклөн серамыс петö.

Но, вөлöмкö, оз на и дзик пыр чужны сильöпияныд. Вежон кык-ö-куим виччысьны ковмис. Василёк весиг вунöдліс нин на йылысь. Да öти асылö мамыс чукöстіс сійöс, нуöдіс амбар дорас, вашнитіс:

— Видзöдлы.

Кыліс чипсöм шы. Кыйкнитліс Василёк да кыз тай горöдас:

— Эмöсь! Эмöсь! Кыкөн чужöмаöсь! Вижев пушыд чипуляс!  
И-и-чöтикöсь! Потöм кольк кышъяс сэн туплясьöны. Чипаныс таялö кышъяссö да нырнас тотшöдö мукöд колькъяссö!

Мамыс кыскыштіс Василёк дінас:

— Лөннышт, повзёдан чипансö. Мунам вай, мед ставыс петасны.

Васёк гажаа, йöктігтырйи моз вешйис амбар дорсьыс, горзіс:

— А ме сьыланкыв нин лöсьöді! Мамö, кывзы!

Сера чипан бöрся,

Сизим сильöпи,

Котöртöны ме дорö,

Со пö — тайö ми!

— Лöсьыд, мамö?

— Лöсьыд, лöсьыд.

Василёк мöдысь на сьывны горöдіс: «Сера чипан бöрся...»



асилёкös талун мамыс эз ну детсадъяс. Несъялан пö да ов гортын, висьман дай мат тэкöд лоö. Бабыд со висьöдчö и...

Мамыс мунис удж вылö, баб-внука кольччисны. Ворсыштисны дуда-будаысь да мый да. Бабыс мудзис, кайис паччöр вылö. Василёк видзöдыштис гыöрзём öшинь пырыс ывлаас дай сэтшöм гажтöм сылы лои.

— Бабö, ывлаö кöсья, гуляйтны кöсья!

— Сöтанникыс, дöзмöдчö, муртса ойбырті да. Эз тшöкты мамыд, ворс гортын!

— Ме здук кежлö сöмын, кильчö помöдз сöмын.

Клянчитис öд, нормöдис бабсö мудер зонкаыд.

— Петыштлы инö, лольшты,— сöгласитчис бабыс. Пасьтöдис питорсö, шоныд чышьян на кöрталис шапка вывтйис дай лэдзис öдзöс мöдарас.

Сулалö тöбсьöм Василёк кильчö помас. А сэни Зина да Катя, кык пöдруга, воöмаöсь нин школасыс, исласьны петöмаöсь.

— Василь, мый кильчö столбтö пыкан? Лок миянкöд исласьны!— чуксалöны нывкаяс.

— Мем оз позь, ме вися. Дай даддьыс абу менам,— шуö Василёк.

— Ой, дадь пö абу! Лок ме тэнö ислöдла!— корö Катя.

— А мекöд быттö оз позь?— чушкөдö парсö Зина.— Тэнад и даддьыд со бöртöм.

— Но и мый, бöртöм кö?

Тайкө венө воасны пөдругаяс, да Василёк мездіс: поезд пө вөчам.

— Поезд, поезд! Збыль вай поезд вөчам! — Öти кывйö воисны нывкаяс да öдйö йитісны дадыассö.

— Пуксьы, Василёк, тэ лоан пассажир! Шор чойö мунам. Ок, сэнi лөсьыд! Кыр горулыс исковтан да самöй шор дорөдзыс даддыд нуö.

Медводдзаысь исковтігас сідзи и артмис. А мөдысьсö пөперегасис поездыд дай ставөн тутісны лым пытшкас. Нывкаяслы мый, ваксьöны-сералöны да пыркөдчöны. А Василёклы нырас и вомас лымйыс пырöма, видлы татшöма төбсьöмнад пыркөдчыны. Чушкөдіс парсö:

— Уськөдінныд... Ог сэсся тiянкөд ворс. Исласьöй, колөкө, асьныд.

— Он кө и... Сулав сэн!

Нывкаяс со чой горув нин шуркнитісны. Василёклы забеднö. «Сытөг исковтiсны! Но и мед! Ме лым питiыс собавны кута!»

Пурс-пурс, небыд лымйöдыс лөсьыд собны! И мун кытчö көсьян, со тай и шорыс дзольгö! Абу кынмöма!

— Шор! Шор!— горзö Василёк да пөрччö кепысьсö, медым шор ванас ворсыштны. Воськов на вөчис, и вöйи кокыс. Гөгөр ойдіс ваөн. Чилзö Василёк, а петнысö оз вермы, пленö шедіс.

Нывкаяс кылісны горзёмсö, уськөдчисны сы дорö.

— Ак тэ, Василёк, ак тэ, дурачок, мыйла нö ваас пыран?!

— Ме эг нарошнö,— лимзö зонка.

— Ланьт вай, тупкы вомтö, ракаяс со лэбалöны, вомад пырасны! Öдйөджык колö гортад мунны. Сулик ва гынкöмыд! Прөстудитчан!

Кыскисны нывкаяс Васильös ваысь, пуксьöдiсны даддьö, мöдiсны навыскокавны сиктлань. Чöла пукалö Василёк, оз лимзы ни дзирнясь, дрöжжитö сöмын.

Со и керка дорас воисны. Чеччöдiсны Васильös дадьсьыс, сувтöдiсны кок йылас.

— Сулавнысö верман? А гортад пырны?

— Верма, верма!— горт дорад воис да збоймыштiс зонка.— Менö öнтай несйöдлiс, а öнi ог несъяв.

Туп-тап, кöсйö вöчны Василёк воськов, да турдöма кöмыс, оз сет места вывсьыс вөрзыны. Сойбордйöдыс кыскöмөн и пыртiсны нывкаяс Василёкöс гортас.

Бабыс повзьöма, öтторъя шлапкöдö киясөн:— А сötанник тэ... Эг вед кöсйы лэдзны да...

— Нинём, бабö, ставыс бур лоö,— тапкöдöны пöрысьöс нывкаяс.— Весиг несъявны дугдiс Василёкыд. Пöрччысь вай, Василёк!

— А кöмыс шедас кокысь?

— Шедас. Мыйла нö оз шед? Кыскам вед! Бабыд косьтас пачад. Аски бара на шор чойö лэччылам!



нна пöчлы суседкаыс вайис ичöтик бальöпи, тöвйöd пö, мöd во ар кежлö яй лоö. Аттьöалис бабыд суседкасö да бальöпитö лэччöдис гидас. А вöли кöдзыд тöv, да балуыкыд гидад кöйдöма дзикöдз. Ковмис пöчöлы ичöтиктö пыртны гортас. Пач бокас чомтор вöчис да сэтчö и йöршитис балукöс, кöдзыд тövсö пö инöсь öтув и коллялам тэкöд. Бальöпикöд варовитанинас и суисны пöчöс гöстяс. Пöдругаыс локтис карса внучкаыскöд, кагаыд аддзис чомсьыд бальöпитö, горöдис:

— Уконок, уконок, посмотри, баба!

— Кутшöм уконок? Абу, дитя, тайö утёнок, бальöпи тайö. Балька,— тöдчöдыштис бабыс, но нывка век ас ногыс «уконокөн» нимтис бальötö да судзöдчис кекöньяснас малавны уконокыслыс небыдик гөнсö.

— Но-о, уконок кö и мед уконок лоö,— серöктис Анна пöч да та бöрын Уконокөн и пондис ыдждöдлыны быдтассö.

Балук и ачыс öдйö велалис тайö ним дорас. Бабö шуас: Уконок, давай жö нуръясьыштам. Бальöпи сэн нин, сёян доз дорас гартчö, бöжнас тиралö. Бабö шуас: петалам ывла вылас пальöдчыны. Уконок öдзöс дорас нин, дась öдзöс сайö уйкнитны.

Сидз найö и кутисны сэсся öтлаын ветлыны и вала юкмöс дорö, и няньла лавкаö, и весиг аптекаö порошки судзöдны.

Воис коркö и тулыс. Вежöдис видз выв. Мукöдъяс пондисны лэдзлыны ыжъяссö кук йөрö.

— Уконок, и тэнö аски йирсьыны нула,— шуö бабö.

Петисны аски асывнас. Мунöны орчөн кук йөрö. Сувтовкерас

бабө — сувтас и бальө. Тувччө бабө — тувччө и быдтасыс. Коркө и воисны кук йөр дорө. Восътліс бабө заворсө, йөткыштіс быдтассө:

— Но, бласлө кристос, пыр йирсыы.

Йөртіс бабө бальөсө кук йөрө, ачыс пырис кук йөр дорын сулалысь керкаө, өшинь пырыс пө видзөдла, мый кутас керны сылөн быдтасыс.

А Уконокыд гөгөрвоис, мый көзьяйкаыс вошис кытчөкө, да давай сійөс корсьны. Дзизъялө кук йөр пасьта да горш тырөныс баксө.

Сідз коньөранөй ризъяліс, мый и баблы жаль лои пемөсыс. Усяс пө йөюкыд кок йывсьыс, лоө петны.

Керкаса көзьяйкаыс өлөдыштіс, нөрөвитлы пө, мед велалас мукөд ыжъяс дорас. Вай пө пуксьы чай юам.

И збыль, стөкан чай юөм бөрын бабө казяліс — кук йөрын лөнь лоөма.

— Сайкаліс жө кө-а? — радльштіс бабө да мөдіс гортас. Но эз на удит ас потшөс дорөдзыс воны, казяліс Уконоксө кильчө вывсьыс. Сулалө өдзөс водзас да юрнас өтторья люкыштө өдзөссө. Вөзйысьө пырны. Сөмын и шензяна коли бабө, но пө и пемөс этайө! А Уконокыд казялөма потшөс сайсьыс көзьяикасө да кыдзи тай кильчө вывсяньыс уськөдчис муас да потшөс вомөныс звирк чеччыштіс, тайкө Анна пөчөс эз уськөд кок йывсьыс. Мыйла пө тэ менө колин, кытчө пө тэ пышйылін?

Гожөмбыд и ковмис сэсся Анна пөчлы ветлыны кук йөрө Уконокыскөд.

Өтиыс пукалө ластва вылө вольсалөм эшкын вылын да кыөвөчө мыйкө, мөдыс йирсьө сы дорын, бөжнас тірөдчө.



едым не унмовсьны, Васёк босьтис книга да пуксис пызан саяс. Но кадыс, буракө, сёр нин вөли, ойбыртөма. Садьмис кутшөмкө шыысь. Быттьо мельнича ва ызгө. Лэптіс юрсө, кывзысьыштис. Ой, топольыс тай өшинь улас тадз шувгө. Төв лыбөма. Колөкө, и зэр на лэптас...

Мамыс да батыс Васёклөн водз асывнас мунисны гортсьыс. Ылі видз вылысь турун кылөдны кайисны Воль йылө. Колөкө, и пуккыльтчисны нин кытчөкө, эта дыра оз воны. Налөн өд Воль юыс ой-ой коськөсь.

Тайө мөвпсьыс зонкалы лои шуштөм, сьөлөмсө чөсөдыштис ай-мам вөснаыс. Васёк жугыльмис, пондіс видзөдны өшиняс. Нинөм эз тыдав. Тайө здукас мыйкө гриммунис то ли сараяс, то ли ывла вылас.

— Ой, локтөны! — Васёк уськөдчис посводзас. Но ывласянь сылы некод эз вочавидз. Көнкө картаас бара гримкнитис. Зонка гөгөрвоис: тайө мөскыс, но мыйла грымакылө? Гашкө, көинъяс уськөдчисны сы вылө?

Васёк көсийс нин уськөдчыны бөр керкаас, дзедьсыны шебрас улас. Но син водзас сувтіс серпас, кызди Выляньсө налысь пурөны лёк көинъяс. И Васёк збоймөдчис, кватитис мый сылы веськаліс ки улас, а веськаліс посводз өдзөс боксьыс джодж чышкан рос. Сійөн шенасигтыр да равзігтыр и кайис сараяс.

— Ав-ав! У-лю-лю! Час ме тиянлы! Вөрзёдлөй сөмын Выляньсө!

Кыліс мөскыс Васёклысь гөлөссө, кузя бакөстис, көнкө лэб

улас пондісны баксыны ыжъяс, гидас рукөстис порсьыс. Тайё мыйкө мында такөдіс зонкаөс, абу жө тай көинъяс. Картаас бара баксис мөскыс и, кылө, матыстчис ляснилань, ышлолаліс. Васёк шыасис мөс дорас:

— Вылянь, матушка, тэ лысьтытөм. А мамөяс век абуось. Гашкө, колө котөртлыны сиктө да чукөстны Пөли бабөс, мед сійө тэно лысьтас?

Да, збыль колө. И Васёк котөртлас, оз повзбы, мед пемыд кө. Пөнариксө босьтас.

И со Васёк ывлаын нин. Пемыд арся вой. Төла. Войтасьө.

Сэтшөма тэрмасис Васёк, муртса эз усь, сконъясис туй вылас эновтөм потшкө да. Водзын намөдчысь гөлөсьяс сувтөдісны сійөс, кодъяскө локтөны. Вескөдіс пөнариксө воысьяслы паныд и кыліс мамыслысь гөлөссө:

— Абу-ө Васёкным? Пиук тэ?

Васёк уськөдчис мам-батыслы воча:

— Мый та дыра? Ме виччыси, виччыси... Чайті нин вөйинныд. Мөскыд лысьтытөм и...

— Лысь-та-ам!— гажаа шуис мамыс да ышловзёмөн содтіс:— Көрымсө сылы лои вайөма!

Шыасис тшөтш и батыс:

— Сёрмыштім и эм... Пока сы ылнасянныс кывтім да, берегас пурсө лэптім да, тупьялім турунсө да... Зэрмыны со көсийө... Оні оз көтөд, мед зэрас!

Батыслөн гөлөсыс, кызди и мамыслөн, вөлі кыпыд да гора.

Регыд мысти найө пукалісны пызан саяс да электрической чайник сьылөм шы улө ужнайтісны. Öшинь сайын пыльскөдчис зэр да шувгис топольыс. Васёкөс очсөдіс.

— Вод вай, горт олысьёй мян. Мөстө и быдөн өд йөртөма, — кайтыштіс мамыс да меліа малыштіс питорсө юрөдыс. И угомон-унмыс тшөтш меліа малаліс сійөс. Муртса и крөватяс вермис кысйыны.

## ОЗ ВОТІГӨН



аня да Петя чоя-вока гожөмнас гөститісны сиктын баб ордас. Өтчыд бабыс нуөдліс найөс вөрө оз вотны. Важ пес керасын пө уна озйыс овлө, сэтчө ветлам.

Локтісны пес керасө, а озйыс сәні и збыль гөрд вольсалөма! Пев пом гырсяөсь сярвидзөны! Зіля и пондісны кокасьны-вотчыны чоя-вока. Мурзөны сөмын да кватлалөны тусьяссө. Но регыд вөр йывсяньыс сьөд кымөр пондіс пуритны-кайны.

Бабыс шуис:

— Чорыда и зэрмас. Вайө жө, дитяяс, зэртөдзыс лэччамөй бөр гортө. Көтасям да зэв мустөм лоө.

Но чоя-вокалы жаль лои кольны эта мында озсө, эз тэрмасьны гортас, век вотчисны. А кымөрыд юр весьтаныс нин. Со и войтасьны кутіс. Гырысь зэр тусьяс, быттьө көрт тувьяс, сатшөны ныр-вомад, пельпомад, муас.

Бабыс аддзөма сук козьяин да сэсянь нин, кылө, горзө-чуксасьө:

— Аня, Петя! Татчө, пиукьяс, татчө котөртөй! Көтөдас!

Анялөн тэрмасьөмысла юрсьыс чышгьяныс лэччөма, кватитө век оз тусьсө кок увсьыс да воськов вөчө кобувлань. Медбөрын

котортны жө пондiс. Вокыс вöтчис сы бöрся. Друг Таня чилöстiс эв гораа, тон сувтiс да кватитчис юрсиас, скöрысь уськöдчис вокыс вылö:

— Петька, мустöм тэ! Кузь уска гагсö, буракö, юрö пуктiн? Босьт, буди, шыбит!

— Ме? — шай-паймунiс вокыс, — ме тэ дорö эг на сибöдчыв.

— Кодi нö? Ме али мый? Кыла öд, чажакылö юрси пытшкын! Корсьлы!

Друг тайö кадас резьöбтiс-гымышгтiс, да сэтшöм чорыда, челядь тайкö оз ляпмунны места вылас.

Петя тойыштiс чойсö водзлань, горöдiс:

— Которт! Сулик кöтасям! Кутшöмкö кузь уска гаг думыштöмьд!

— Да юрын, юрын! Корсьлы!

А бабыс кобувсяньыс, кылö, мыйкö лёкгоршöн горзö налы да шенасьö кияснас.

Бабыс дорö кобулö воём бöрын сöмын челядь аддзисны, кьдзи насянь неылын няръялöмөн сотчис вылын юра öтка пожöм. Чардыс пожöмас инмöма. Со мыйла, вөлöмкö, бабыс тадз горзöма да шенасьöма. Повзян öд. А Таня юрысь уска гагсö корсисны да сiдзи и некодöс эз аддзыны.

Гашкö, челядь, тi тöданныд помкасö, мыйла чажакылис нывкалөн юрсиыс?



ишук Оверин олө карын. Сентябрь 5-өд лунө тырө сылы сизим ар. Сиктса бабыслы гижөма письмө, корөны именник ыдждөдлыны.

— Ой, дзик некор! — Маитчыштис Таись баб письмөсө лыддьом бөрын.— Картупель керан кад локтө дай вөрө на тшак да пув вотны колі тапиктивны. Но корөмаось, да быть нин ковмас ветлыны именниктө ыдждөдлыны. Отчид овлө морт олөмас сизим арыс, школаө, первой классө мунан воыс. Ачыс на со Мишук письмөас тшөтш каракуля киподсө пуктылөма да: «Бабуль, воы тшук».

Мөд лунас жө Таись баб тэчис пестер тыр гөснеч, вышивайтөм сулөкөн гартовтис «Висер вожса мойдьяс» да «Сө коми сыланкыв» — кык важ коми книга, тшөтш найөс суйис пестер вомас дай петис туйө.

Автобус чожа таркөдө-нуө карлань, а Таись пөч оз-оз да бара и маитчыштас, кызди нө пө именниксө понда чолөмавны? Колө кызкө лөсьыдджыка да тешкодьджыка, мед дыр кежлө паметяс кольө.

Со и кар да Мишукъяслөн патераыс. Керкаын гажа шум, ворсө музыка, зонпосни, Мишуклөн ёртьясыс, воөмаось нин гөститны, именник другсө ыдждөдлыны, котралөны да ворсөны ковөра джоджас. Пи-моньыс кухняс ноксьөны, дасьтөны гөстьясыдлы праздничной пызан.

Пырис Таись пөч, сувтис порог дорас, пернапас чөвтис, чолөм-здорово шуис. Мышку саяс сьлөн пестер, киас бедь — бедьтөгыс

пöрысь мортыд эз лысьт туяд петны — юрас мича дзоридзöсь чышгъян, кокас сера чулки да югыд галош.

Аддзисны татшöм гöстятö пи-моньыс, уськöдчисны панид, мамук дай матушкайö пö локтö! Лок, лок, пöрччысь, шойччы, шонтысь. Кузь кокыд вöлöма, самöй пызан дасьтам.

Таись пöч оз на тэрмась шыбитны пестерсö да паскöмсö, горакодь, мед и жыргяс ворсысь внукуыс кылас, кайтыштіс:

— А именникыд нö кöні? Оз тай нö встречайт-привечайт бабсö? Ачыс письмöөн корöма-а. Лок пö, бабук, тшук. Да сэтшöм мичаа на и гижöма! Любуйтчи да любуйтчи сійö каракульясөн, шаня жö, мися, кöнкö, пессис да старайтчис грамотейыд.

Кылісны гора гөлөссö бабöлысь жырйын ворсысь челядь, дугдісны патурликасьны, кывзысьыштісны. Öти шырпи кодь зонка бырс петыштліс жырсьыс, бөр тюрс пырис, кылö, юöртис ёртгьясыслы:

— А сәні яга-баба воöма!

Жыр öдзöс дорö пыр и мыччысисны куим-ö-нель чужöм, шешгьялöны да видзöдöны баба-яга вылö.

Мишук тöдіс Таись бабсö, нюммуніс, но эз сибöдчы бабыс дорö ни чолöм эз шу. Таись пöч шылькнитіс ки пöвнас чужöмсö, лöсьöдыштіс чышгъянсö, шыасис:

— Мый нö, Мишук, тешкодь бабыд? Эн тöд менö? Ме öд тәнö, ыджыд питорйöс, эг жö пырөн тöд! Быдмöмыд да сöвмöмыд, со нин и сизим арöс тыртан, школаö ветлан! Кыдзи нö тәнö дзик пырöныс тöдан? Чужан лун вылад корöмыд да, тэрмаси да тэрмаси, этайö сивко-бурко чибöсö пос помысь кватиті, сы вылö сöлі, швачниті плетьөн. Чибö тай «ий-йö!» горöдіс да кыккокийыв сувтліс!

Таись баб татчö сувтыштіс, тотшöдыштіс бедьнас джоджö,



водзё сяркөдіс, заводитас кё, сълён, майбыр, артмё, вежёрыс уджалё, кывйыс ворсё:

— Скачиті да скачиті, рөдті да рөдті, навыскокалі да навыскокалі, вуджалім и сёнөд нюръяс, посни ёльяс, визув юяс, джуджыд гёра вомён чеччыштім. Гёра йылас тайкё орел-лэбач синмёс оз кокышт, өчкиасьны удиті да «кыш!» горөдны, визув ёль дорын тюпель пөлөс муртса эг вөйт...

— Пөръясян, бабё, пөръясян! — Сералё Мишук да кутчысьё бабыслы беддяс. — Бедь тайё, а абу чибё! И гёраясыс тані абуось. Вот! Урал гёра эм, да сійё ылын...

Бабыс серамсё кутны оз вермы, кинас вач-вачкерис, ошкыштіс внуксё:

— О, да тэ тай, Мишукё, олан гажёй менам, збыль нин школьник! Урал гёра төдан!

— Төда, ме быдтор нин, бабё, төда! Лыддъысьны кужа и. — Бабыс дорё Мишук сэтшөм меліа ляскысьліс, а сэсса кевмысяна-дзайгана синъясөн пондіс видзөдны бабыс вылө: — Он эскы, бабё? Кужа, мися!

— Да-а, Мишаыд збыль кужё нин. Ми ставён нин кужам, — отсыштіны ёртъясыс Мишуклы, тшөтш эскөдісны.

— Но и бур! Но и бур пьян, роч баяр кодъось мичаось, Перабагыр кодъось төлкаось да шаньось, — бабё ставнысё малыштіс юрөдыс, вөлись мыш сайсьыс лэдзис пестерсё, сьылөмөн моз нюжөдіс: — А зря өмөй нё бабыс пестер тыр козинсё тіянлы вайис? Нолтё вай видзөдлам, мый сәні эм?

Таись пөч пондіс разьны пестерсё да сьылыштіс: — Пестерөй, вай воссъы, вай воссъы! — Но пестер көвйыс эз на и другөн сетчы да бабёлы ковмис көвсё разялігмоз бара на варовитыштны.

— Эм сәні быдтор, — кайтыштіс, а сәсся бара на аддзысисны колана кывъясыд: — Эм быд чөскыдыс, эм быд юмолыс, эм быд курыдыс, эм быд солаыс! Черинянь, тшака нянь, лукъя нянь, пувъя нянь, азя нянь, кока нянь, пызя тшөг да гырнич нөк... — Сяркөдө бабө, кывзөй пө кодлы колө.

Козин вылад челядь горшөсь, кытшалісны бабөс, сідзи и синъяснас сөйөны-видзөдөны пестер вомө. Медбөрын разьсис жө көвйыслөн гөрөдыс. Восьтіс бабө пестерсө, кыскис сәсь вышивайтөм сулөкө гартыштөм тубрассө, кагаос моз качйөдлыштіс ки йылас, кайтыштіс лөсьыдика:

— Но медся мусаыс, медся дона козиныс со тані, этайө ки чышкөд пытшкас. «Зарни чери» мойдын моз жө комын куим во видзи, комын куим во берегиті да краниті, мед тайөс кычан оз косяв, кыстур оз парсав, лякөсь кекөнь оз чабрав. Ноко, баяр пьян, висьталөй, мый тані менам? Нөдкыв сета, юрнытө песьштөй: кышөма кыз коркаөн, койөма зарни шыпасьясөн, баситөма югыд серпасьясөн. Вот татшөм нөдкыв. Төдмалөй.

Зонкаяслөн синъясыс кодзлалөны, өта-мөдыскөд вашкөдчөны, төдмалөны нөдкыв.

— Ме төда! Тані торт! — горөдіс өти.

— Кампет көрөбка!

— Печенньө пачка!

— Няклялан резинка!

Сідзи и пондіс киссьыны челядьлөн. Бабө тракйөдліс юрнас. А сәсся терпенньөыс быри, горөдіс: — Эн төдөй, эн төдөй! Ок ті чирукьяс, грамотейяс! Со тані мый! — Разис бабө көртөдсө, мыччысисны кык ыджыд книга. Кышөд дорышъясыс налөн

бонзьёмаось, серпасьясыс чусмаось, но шыпасьясыс бура на  
төдчоны.

— Фу, тайо важ книга да!

Зонкаяслон синьяссыс дзирдыс быри, вомьяссыс нюмыс  
сыл, но век жё книгаяс пондिसны вуджны оти кисянь мод кио.

— Мый гижома, весиг он гогорво.

— Английскойон тайо гижома.

— Ми ого на велодой английскойо.

Мишук киодз воис книгаыд да пондылис лыддыны:— С...  
Е... К-О-М... И...

Но сылон ёртыс, шырпи кодь ичотик зонкаыд, торкис Мишаос:

— А-а, ме тода! Тайо немецкой кыв вылын! «Ком»-ыс лоо  
«Лок»! Витя воко немецкой велодо.

Таись поч босьтис внучок кисьыс книгасо, ёрччыштит:

— Ак ти, грамотейяс, коми карын, Сыктывкарын олысьяс,  
коминас тай но он кужой! «Се коми сыланкыв» тайо, а модыс  
«Висер вожса мойдьяс». Сказки, сто штук. Гогорвоанныд? А  
со но ме мый гижи коркаас: мися, Мишуклы Таись бабсо  
казытым выло. Велод коми кыв да лыдды тайо книгаыссо.  
Сэтшом гусятор-тайна воссяс син водзад. И коми кывыис лоас  
муса, и Коми муыс, и ми вок коми поч-польыс лоасны  
донаджыкось.

— А ми ог кужо да, тэ, бабо, лыддян миянлы? Оти мойд коть,  
но, бабо?

Сидзи и пондис кисьыны челядь вомысь кевмысьом да кором.  
Но мамыс Мишалон торкис найос:

— Сетой, чавканьяс, бабыслы порчысьны да шойчыштны.  
Пуксьодой со пызан сайо, пызаныс дась. А сэсся сейыштам да

юыштам, сьылыштам да йөктыштам, Мишук именникөс  
ыдждөдлам дай мойд кывзыны кутам. Таись баб ок уна мойд  
төдө.

Таись баб монь кывъяс дорас содтыштіс на нөшта:

— Гуляйтны на петалам да вөлись. Мойдөны өд рытнас,  
пемыдгорулын.

## ЛОВЪЯ ВА ЙЫЛЫСЬ ЛЕГЕНДА



оркө-некоркө парма ягын олісны-вылісны вөралысь  
гозья. Верөсыс кыйис-виис, гөтырыс сылы пуис-  
пөжаліс, мыськис-песлаліс да паськөмсө вурис-  
дөмис. Сідзи и найө пөрысьмысны.

Өтчыд дедыс петіс вөравны. Унакодь шөйтис-ветліс ягті и  
нюрті. Нинөм эз шед. Мудзис, пуксис шойччыны. Видзөдө:  
орччөн ключ ва дзулькйө-петө мусьыс. Радлыштіс дедө, юис  
ключ ватө и дзик пыр жө бырис мудзыс, кокъясыс том мортлөн  
кодь визулөсь лоины.

Локтіс гортас, а пөчыс и шуө:

— Мый нө, том зонмө, ветлан-мунан миян парматі? Кутшөм  
мог суис?

— Мый нө тэ, гөтырө, менө эн төд? Ме — верөсыд тэнад.

И висьталіс дедыд бабыслы ключ ва йывсьыд.

Бабө пыр жө нуөдчыны кутіс:

— И менö тшöтш нуöдлы сйö ключ дорас. Ме тшöтш том ичмоньöн көсья лоны.

— Ветлам, ветлам,— шуö верöсыс.— Аски жö и нуöдла. Вод öнi узь, кадыс сёр нин.

Водасны. Аскинас садьмас верöсыс, а бабыд абу гортас. Öти лун абу, мöд, коймöд. Кытчö нö вошис?

Петис верös пармаö бабсö корсьны. Мунö, конкö кага бöрдöм шы кылис. Шензьыштис, кытысь пö татчö кагаыс воис? Видзöдö, а понöль бокын ичöтик нывка тильö пыктöм синъяссö, кульö-бöрдö.

— Нылукö, кызди татчö веськалин?

— Воши, туйсö гортö ог адззы,— бöрдö нывка.

Окма! — гөгөрвоис верöсыд: старукаыс тайö сылөн. Со и сера дöра сарапаныс и чышъяныс сылөн кодь.

Горш бабаыд уна юöма да ичмонь пыдди ичöt нывка лоöма.

Оз öд весьшöрö шулыны: колö быдторйын мера тöдны.

## БОНЯ-БОНИФАЦИЙ



уляйтигас Серёжа аддзис няйт канаваысь понпиös, пыртис гортас, чукöстис мамсö:

— Мамö, мамö, видзöдлы! То кычипи ме аддзи!

Мамыс дöзмыштис:— Мукöдыс шыбитöны, а тэ ваялан.— Но водзö эз жö кут пинясьны, аддзис ичöтик коньöркодь понпитö, жальыс петис:

— О-лө-лөль! Синтөм на, буракө. Чожа вай шоныд ваөн мыськышт, да йөлөн юктөдам.

Купайтчөм да шоныд позйын узьом бөрын, аскинас понпи збоякодь нин варгылясис джодж кузяыс. Серёжа-лөн радыс!

— Быдта да кыйсьыны кутам вөрө ветлыны, — кайтис сийö да сөветуйтчис мамыскөд, кутшөм ним пуктасны.

— Вай Бонифаций ним пуктам. Но, мамö?

— Ме пондаысь... Мед, колөкө, лоö Бонифаций.

Öдйö сөвмис Серёжалөн быдтасыс, но ичөт рөд вөлөма да эз и ыджыда быдмы, явнө абу вөралан пон. А сідзсö зэв визув да төлка, быд кыв гөгөрвоö. Кампеттö мыччан, да лөсьыда и служитас.

Öтчид Бонифаций вошлі кытчөкө лун-мөд кежлө. Шогыс Серёжалөн: воши кө? А гашкө, абу нин ловья?

Ловья, эз вош. Локтис гортас, сөмын та бөрын быдмыны кутис кынөмыс.

— А сё лешак, Бонифацийыд Боня вөлөма!— скөраліс мамыс, кор Бонифацийлөн чужис ичөтик пи.— Кытчө гажыд вошты понписö. Мый ми пондам керны сы мында поннас? Нөшта на вед мөдысь дай коймөдысь ваяс.

— Оверин Шуриклы сетам, сийö корö,— лөньөдіс мамсö Серёжа. Но Шуриклөн мамыс кыккоқыйв сувтис, кор Серёжа вайис на ордö мусаник понписö. Ог пö лэдз гортö и ставыс. Нуö пö базарö да козьналöй кодлыкө.

— А збыль, вай базарö и нуам,— вөзйис медбөрын другыслы Шурик.

И со кык друг базарынөсь. Öдйö и кытшалісны найöс челядя

мамъяс да зонпосни. Видзөдöны-любуйтчöны мусаник понпинад, а босьтны некод оз кöйы.

Жугыльмисны нин зонкаяс, да друг кыськö явитчис öчкиа дядьö, гажа гөлөсөн юöртис: — У, меным тайö и колö! — Да босьтис понпитö киас, юалис: — Вузаланнды?

— Да, — яндысьöмпырысь нурбыльтис Серёжа.

— Кутшöм пöрöда нö эськö? Ай-мамыс кодъяс? — водзö юалис дядьыд.

Серёжа и кывсö шуны эз удит, Шурик другыс пыр и ордйöдис:

— Зэв бур пöрöда! Служитны кужö и быдөн! Серёгаяслөн Бонифацийыс вайис.

Дядьыд гөрöктöмөн серöктис:

— Збыль тай бур пöрöда, Бонифаций кö вайис! Но, зонъяс... Уна-ö нö коранныд? Вежапи менам аски именник, пöнимаєте ли...

Бара на Шурик суитчис сёрниас. Серёжа сöмын лапйöдлис синъяссö.

— Дядь, сетан кö кык тысяча, ой, зэв бур лоö! — дзикöдз варовмис Шурик. — Öти тысячасö со Сергейлы, мöдсö — меным.

— Ах да, тi кыкөн, — нюммунис дядьыд да кыкис портманетсьыс вит тысячаа, мыччис Шуриклы: — Натe тiянлы и в расчёте будем, да, зонъяс?

Вит тысячаа босьтигмоз Шурик первойсö падмыштлiскодь, а сэсся паськыда вашмунис да сюся видзöдлис Серёжа другыс вылö — аддзан пö ме кутшöм, мекöд пö он пропадыты.

Гортланьыс збоя восьлалiг кык друг варовитисны. Шурик кайтис: — Тэнад Бонифацийыд нажöтка на тэд пондас вайны.

Серёжа сийöс пановтис:

— Öни абу нин Бонифаций. Мамö Боняөн нин тшöктис шуны.

Сійö гөлөсын кыліс жуглясьöм и öттшöтш радлун. Абу öмöй öткодь, кызд кöть шу нель кока другсö. Главнöйыс, сійö эм, и мамыс öнi оз кут на вылö ропкöдчыны. Нöшта эм Серёжалөн мöд друг, со этайö орччөн восьлалысь Шурикыс, кодi пыр локтас сы ордö отсöг вылö.

## ПЫСТАЯС



ожöмнас ме шойччи Крымын, Чёрнöй море дорын. Керка, кöнi олi, сулалiс веж сад пöвстын. А дзик кильчö помас вöли öти ыджыд кос пу. Сэни, уна лыда горсьясын олiсны пыстаяс. Чөлöй чукөр. Öтчыд лыдди, да дас кökьямыс öкмис. Жбыръялöны вожйысь вожйö да сьылöны. А морт дорад сэтшöма нин велалöмаöсь, оз и повны, пыр и пуксясны юр вылад либö пельпомад. Восьса кö жыр öдзöсыд, и сэтчö пырасны. Сейны корöны. Ме вердлi найöс семечкиөн ки пыдöсысь. Сöмын на пуктан тусьтö да нюжöдан китö, збой пыста дзик пыр цапкыяс-пуксяс ки вылад, кокыштас тусьтö дай утыштö бөр пу йылö. Сэн зэв лöсьыдика кильчö сьöмөссö. Сы бöрын мöд, коймöд...

Öтчыд локтi купайтчанинысь, а менам кильчö помын чöv-лөнь. Но-о, мый нин менам пыста суседьяскöд лöма. Оз тай нö сьывны ни жбыръявны. Пондi дзоръявны. Аддзи: öти пыста медвылыс вож йылас чипсö. Сэсся кыліс быттьökö катша китшкөм. А катшасö некысь ог аддзы. Бөрти гөгөрвои: абу некутшöм катша,

а пыстаыс вёлём татшөм шы сетө. Пинясьө, буракө, али юөртө горсьө дзедьсөм ёртъясылы лёктор йылысь. Кань со тани кильчө мышкын. Тшук да кысөйд өти пыстаөс кутөма, ворсө кыйдөснас. Серамөй петіс, сэтшөма нин сьөлөмсяньыс ворсөдчө да, качөдлө вывлань. Ок тэ, виж синъяса, уска ныр-вома, визя шылыыд гөна кыйсьысь тигрпи! Кайписө нө мыйла кутін? Обижайтан менсьым суседьясөс! Мун татысь!

Жаль лои коньөр пыста-часөвөйыс, коді век на пу йылад то чипөстлө, то катша моз китшкө, вөтлі кысөтө ылөджык керка дорысь.

Дзик пыр быд горсьыысь шула-шала пыстаясыд петісны, жбыръялөны, а ме дорө кильчө вылө оз лысьтны лэччыны.

— Йөюкъяс,— шуа ме,— энө полөй, абу нин каньыд, локтөй, чөсмасьштөй!

И койышти кильчө вылө кабыр тыр семечки.

## КАЛЯЯС



одз асывнас ме петавлі море дорө каляясөс вердны. Нянь крөшки койыштан да кыськө пыр и лэбыштасны-воасны гырысь, мича еджыд гөна лэбачьяс.

Өти асылө сідз жө петі нянь торйөн. Каляяс быттьө менө и виччысьөмаөсь, сэнөсь нин, шывъялөны юр весьтын, кливксөны. Крөшиті няньтө, койышти, и друг кысянькө нөшта өти нурьясьысь

воис, гулю. И мый ті чайтанныд, каляясыд тай аддзисны сійӧс да уськӧдчисны ставӧн кортӧм гӧсть вылад. Гулюыд, коньӧранӧй, и ас вылас абу рад, пышйыны кутіс. Каляяс — сы бӧрся. Кортӧм гӧстьтӧ ылӧджык вӧтлӧны.

А сы кості кыськӧ лэбыштіс-локтіс сьӧд каля, альбатрос шусьӧ, сарпйис-кокаліс став крӧщкитӧ дай шывкнитіс-пуксис ваас, джыялӧ море гыяс вылын. Йӧй каляясыд эськӧ и локтісны бӧр, да сійныс нинӧм нин вӧлі.

## УТКАПИ



ык луна-воя ызгис-шумитіс море. Гыясыс керка ыджаӧсь швачӧдчисны берегас. Морын олысь став жуг-жагйыс дзевсис лӧнджыкинӧ. И уткапи, коді джыявліс мореас берег дорсянь матын, саймовтчӧма миян садйӧ. Войяснас кывліс сылӧн герчкӧмыс. Мем сійӧ жаль лоліс, мыйӧн, мися, утушкаӧй и пӧткӧдӧ кынӧмсӧ. Сэтчӧ жӧ и ӧтнасӧн уткапиыс, мыйлакӧ торъялӧма ай-мам да чой-вок дорсьыс.

Море лӧньӧм бӧрын ме аддзи сійӧс пирс — мореас пырысь кузь кӧрт пос — дорысь. Джыялӧ ва веркӧсас. А сэссия друг суніс да зэв дыр эз пет. Оз и пӧд! Вӧлӧмкӧ, кыйсьӧ. Море ваыд сӧдз, пырыс тыдалӧ ставыс. Пирс дорас ваын быдмысь туруныс зэв уна, сы пӧвстын дзевсясьӧны посни черипиян да быдсяма ва гагйыс. Найӧс и куталӧ менам уткапиыд, кынӧмпӧт перйӧ. И зіль кутшӧм! Быйкнитлас ва веркӧсӧ, босьтас сынӧдсӧ да бара

сунас. Кыйсьö. И со весът кузя чери кыйис! Сöмын тай кутшöмкö ыджыд чери югнитіс сы дорті да тшапкис уткапиддльсь кыйдöссö паськыд вомнас. «Мый керö, яндысьтöм синмыс», — лөгпырысь дивита паськыд вома чериöс, кöть и тöда: сідз олöмсö вöчлöма матушка-природаыс.

## ЧАСІ, БАРАБАН ДА КÖЗА



орислы карысь батыыс вайис зэв дона козин — кийн новлан часі. Школаö нин пö мунан — новлы. Радыс Борислөн! Сиктын быд паныдасьысьлы ошйысьö, со пö менам мый эм! Тічкöмыс оз и кыв, а муно — точнöя!

Тадз вежон-мöд именник туйын оліс Боря. А сэсса дöзмыны кутіс. Урокъяс вылас оз учительницасö кывзы, а часі точкөмсö. Сувтіс гашкö да? А то окота тöдны, кымын минут нин коли урок помöдзыс. А сэн нöшта и ёртъясыс тувкөдöны бокас, уна-ö нин пö кадыс?

Анна Алексеевна тшöкыда öлөдлө, Горинов пö, двойка вед пукта поведениесьыд. А збыль кö пуктас? Батыыс мый шуас?

«Да тайö часінад и быдөн! Вот босьта дай вежся Майбуров Шуриккөд! Сійö барабан көсйö сетны.»

Шуöма кө — и вöчöма. Дыр падъявны Боря оз радейт. Öти луно урокъяс бöрас Майбуровкөд и муніс на ордö барабанла.

Майбуровъяслөн гортас некод абу. Шурик гыжъялыштіс юрсö.

Чуланын пö барабаныс, да сәтi игана. Ключыс эськö сёр джаджыйын, да кыз судзöдан? Позьö эськö кык улöс вылö кавшасьлөмөн. Попробуйтлам.

Кыкысь увлань юрөн тутны мөдлiс ключ судзöдысьыд. Вильскöбтö вылыс улöсыс. Тайкö и кык друг косьö оз воны. Öтиыс горзö:— Омöля кутан! Мöдыс:— Ачыд тэ вежньöдлан улöссö!

Бöрти кызкö судзöдiсны жö.

И со Боря восьлалö гортланьыс шешъялөм вома.

— Пöчö, пöчö! Менам барабан! Видзöдлы! — ылисянь на горзö Боря. Пöчыс кильчö помас дэбыд ныасөн буретш юктöдö куканьсö. Сэн жö лажъялöны чипан-петукуыс.

— Но, тайö нö нин кытысь? Эн-ö школасьыд гусяв?— шензьыштiс пöчыс.

— Мый тэ, пöчук? Шуриккөд вежсим. Часi сетi сылы.

— Часitö?— Шлапкерис пöчыс.— Боктö кö батьыд куляс?

— Да ми вед эг пыр кежлö,— кайтыштiс Боря.— Вай ме тэныд, пöчук, барабаннас ворсышта. Кужа нин öд, Шурикъясын велöдчыштi.

— Ворсышт инö,— сöгласитчис пöчыс да пуксис кильчö пос вылас.

Регыд и шызьöдiс чöv-лөнсьö барабан шыыд. Чипанъяс сюв-сяв кодi кытчö гузьöбтiсны. Кукуыс весьöпөрöма да бöжсö лэптöмөн йөр пасьтаыс ризъялö. Бабыс сöмын нин öвтчö кинас:

— Öвсьы, пиук, öвсьы! Пыр гортö, сэн таркөдчы. Ме лавкаö петала няньла да сэсса пажнайтам.

Керкаын и збыль окотатö позьö тешитны — некод абу. Кытчöдз пöчыс эз лок, пыр школөдiс барабанас.

— Но-о, сьёлөмыд эз на бурмы?— Шыасис пöчыс пыригкості.— Вай эновтлы сійөс. Кынөмыд пöди сюмалө.

— Артмыштлыны нин кутіс, да торкин, пöчө!— Дөзмьштіс быдөн Боря.— Ме ог на кöсйы сөйны!

Тадз кöть шуис, а кулак ыджда нянь кусөк суйис жö вомас.

Бабыс вайис шьд. Эз на удит пызан саяс пуксьыны, видзөдлөма лои öшиняс да сötкигтыр чепöсйис öдзöсланьыс:

— Господи! Кузьмалөн кöзаыс абу пемөс, а сötана! Муртса на вöтлі град вылысь, бара пырөма! Лок, Борис, петав тшötш, пановтнысö отсалан!

Нянь тыра вомнас мыйкө шашкигтыр Борис вöтчис пöчыс бöрся кильчө помө да кыз тай таркнитас барабанас! Бабыс тайкө и поссö лэччигөн эз усь. А кöзаыд повзьөмысла жö, буракө, кынмыліс места вылас, быльөдөма синъяссö, чургөдөма тошсö. А сэсся тай кыз лыйыштіс градъяс вомöныс да звирк потшöс саяс! Серамыс Борялөн вöлі, чуть оз виньды вомас нянь крöшкияссьыс.

Бабыс нем шыавтөг лапйөдліс кияснас да видзөдіс потшöс саяс, кызди сыліс кытчөкө дөзмөдчысь пемөсыд.

— Пöчукө, менам öд артмис нин? Да вед?— Первойөн шыасис пöчнас шуысьыс.

— Артмис, артмис. Лок пырам, шыдыд көдзалас,— ас садяс бөр пондіс локны бабыс.

— А кöсьян, ме тэныд козьнала барабансö,— дзик збыльпырысь юаліс Боря.— Локтас кö кöзаыс, сөмын таркнит барабанас.



амыс Колькалөн локтіс удж вывсьыс мудз, шуө питорйыслы:

— Няньыд крошки абу гортын, котортлы жö, отсасьысьö, лавкаас. Ньöб нянь тупось да сдачасö лючки босьт, лыддынысьö öд кужан нин.

— Кужа, ме дасöдз дай кызьöдз нин кужа лыддынытö, — кокас тэрыба сапöгсö сюйигмоз вочавидзис Колька. Аслыс любö, мамыс отсасьысьнад шуис да.

Нянь лавка абу и ёна ылын гортсяньыс, пристаньö нуöдан туй вылын.

Зэрыштöма да туйыс няйт, ва гөпгяс артмöмаось. Колькалы резина сапöгнад веськодь няйт гөптгид, веськыда и резö-мунö, көсьö öдйöджык вайны мамыслы няньсö.

Лавка кильчö помын и бура ыджыд ва гөпгыс артмöма, пырысь-петысь кокгяс улын валгялö няйт ваыс. Татшöм ыджыд гөптгид и ыз-баз на позьö вильшасьыштöмөн прöйдитны. Друг аддзис: плавлгялö гөптас крыса шой, чужйыштис.

А сэні мужичöйяс да зонгяс веськыда дозсьыс сур юöны да гигзьöны. Öти дядьö и шуö Колькалы, тайö пö тэ, буракö, крысасö виин. Вот чукöстам милиционерöс дай пуксьöдас сйö тэнö тюрмаö.

Шмонитны, гашкö, көсьис дядьыд, но Колька сэтшöма повзис, вунöдис и нянь йывсьыд, и мамыс йылысь. Öдйö öд котортис бөр гортас да дзевсис жытник дорас сувтöдлöм пес кражгяс пытшкö. Татысь пö корсяс көть милиционерыд, оз аддзы.

Кражгяс пытшкын шалашын кодь. Кылö, зэрмис ывлаас, а татчö

весиг оз вияв. Куткырвидзыштис Колька, а сэсса ас тӧдлытӧгыс и унмовсьӧма.

А мамыс виччысьӧ нянь. Виччысис-виччысис — оз лок питорйыс. Лешакпыид пӧ тай ылалис кытчӧкӧ зонпосниыскӧд. Ачыс котӧртис лавкаӧ. Сэни шуӧны, эз пӧ волы тиян Колькаыд татчӧ.

— Кӧн нӧ инӧ?

Мамыс пыралис нин писӧ юасыны кымынкӧ керкаӧ, быд паныдасысьлысь юасьӧ и. Ставыс шуӧны: эг аддзылӧ.

Шогӧ уси мам — вошис пиыс. А пристаньӧ кӧ лэчис да вӧйи ваас? — югнитис нин нывбабалӧн мисьтӧм мӧвп. Сельсӧветӧ, гашкӧ, колӧ явитны да?

Пристаньӧдз котӧртлӧм бӧрын мамыс кежис гортас. Верӧсыс пӧ пӧди кӧ воис нин, шор логӧ кольччыштлісны турунтор ытшкыштны да. Сылы кӧть шог юӧрсӧ ваяс.

Пырис керкаас. А Колькаыс пачводзас джоджас пукалӧ картофель чугун дорын да азыма сӧйӧ картофельсӧ, кынӧмыс, буракӧ, ёна и сюмалӧ.

— Колька! — муртса оз бӧрд мамыс. — Тэ тай нӧ гортын! Менам тайкӧ сьӧлӧм оз пот. Ставнас то кӧтаси, быдлаысь тӧнӧ корси. Кӧн нӧ вӧлін?

— Пес кражъяс саяд дзэбси, мед милицияыс оз кут, — вочавидзӧ пиыс.

— Кутшӧм милиция? Пакӧститчин ли мый да дзэбсясян?

— Ме эг. Ме эг ви крyсасӧ, а дядыс шуӧ: тэ пӧ виин, милиция тӧнӧ тюрмаӧ пуксьӧдас.

— О господи... — лигышмуні мамыс ставнас. — Ме тӧнӧ няньла ысті, чайті, тэ ыджыд нин, а тэ быд немторсӧ, вӧлӧмкӧ, пыдди пуктан.





алун, Танюшка, тэа-меалы ковмас горт овны, садикад ог мунöй, — чеччöмпырысь пыр и юöртис нывкалы мамыс да содтыштис: — талун миянлы телефон мöдасны суйны.

— Ой, телефон! Телефон, миян лоö телефон!

Чиктылис-радлис Танюшка, но мыйлакö телефон суйысьясид эз термасьны. Батъыс важөн мунис удж вылö, Игорь вокыс — школаö, а телефон пуктысьяс век абуöсь.

— Мамö, кор найö воасны? — юасьö Танюшка.

— Нөрöвитлы, ми öд абу öтнанымöсь. Колökö, öбед бөрöдз на оз воны, — чырыштіскодь нывкасö мамыс да вöзйис: — ворсышт аканьнад.

Кутшöм ворсöм, видзöдö öшиньö Таня, виччысьö. Медбöрын воисны жö кык дядьö. Öдйö и вöсньыдик провод тувьялісны стенас да öдзöсдорса тумбочка вылö меститисны телефон аппаратсö.

И заводитчис ичöt нывкалөн выль олём.

— Вай папöлы звöнитлам, — никсис сійö.

— Öні огö нин, ачыс регыд локтас пажнайтны, — öлöдыштіс мамыс.

— Сідзкö, садикö, мед менö талун оз виччысьны, — эз эновтчы нывка.

— Звöнитлам, звöнитлам, — сöгласитчис жö мамыс. Но телефоныс ачыс друг тринькнитис.

— Алё! — пыр и кватитис трубкасö нывка.

Трубканын нывбаба гөлөс шуалис кутшөмкө лыдпасьяс: три, шесть, пять... А нывка сылы воча горзис:

— Алё! Алё! Ме — Таня, Таня!

Трубка ланьтис да дыр чөв олис. Сөмын Таня эновтис телефонсө, сийө бара триньөбтис.

Тадзи куимысь кымын, кытчөдз мамыс ачыс эз босьт трубкасө да төдмав, мый звөнитөны телефонной станциясянь, прөверяйтөны линиялысь уджсө. Зато и Танюшка крепыда босьтис вежөрас ассьыныс телефон номерсө. Порог воськовтигкостыс тай и юөртис батыслы-а:

— Папа, миян телефон номерыд 43-46-45.

Серөктис батыс, шмонитьштис:

— Сидзкө, өни жө и звөнитлам!

Сэсса локтис школасыс вокыс. Таня бара сылы тэрмасис телефон номертө юөртны. Игорьлы тайө и колө. Муртса удитис книга сумкасө шыбитны, уськөдчис телефон дорад да, буракө, дась вөли став ёртьясыслы ошйысьны, мый сылөн өни эм телефон. А ёртьясыс бара дасьөсь жө вөлины юөртны Игорьлы ассьыныс став выльторьяссө. Миша Морозовлөн каньыс кык каньпи вайөма, Лёвалы ньөбөмаөсь «Денди», Степиклөн оз артмы задачаыс, а Света тарыт мунас мамыскөд цирк видзөдны, вайөмаөсь пө быдсяма пөлөс артист-зверьясөс. А трубкасө өд быд тринькнитигөн босьтис Танюшка. Рыт кежлас сэтшөма мудзис, весиг өткажитчис радейтана мультискө видзөдны.

Унмовсьны нин кутлис вольпась вылас, да друг бара кодкө звөнитис.

Трубкасө босьтис вокыс да чукөстис дзик пыр куйлысь чойсө:

— Танька, чеччы, тэнө корөны.

— Ме-нө? Коді менө корө? — Радысла ырс чеччис Танюшка да уськөдчис телефон дорас.

— Алё!

Трубкаын кыз мужик гөлөс горөдіс:

— Таня, тэ? Привет! Тайё ме — Коля!

Таня радысла чеччалыштіс весиг места вылас.

— Коля?! Тэ кызди төдмалін миянлысь телефон номерсө? И мыйла тэнад гөлөсыд сэтшөм тешкодь? Тэнад ангина?

Трубкаын кыз мужик гөлөс дөзмьштіс:

— Танька, брось мекөд ворсөдчынытө. Дискотека вылад ветлам?

— Дис-дис-ко-тека вы-лө? — Дзикөдз падмис нывка, юалөмыс мыкталөмкодь и артмис. Воча кывсө сідзи и эз вермы виччысьны. Трубкаыс заводитіс бипкайтны. Бип... Бип... Бип... Вот өд кутшөм телефоныд!

## МАРЬЯ ПӨЧЛӨН ВИСЬТ



арья пөч зэв нин ыджыд арлыда, но челядьдырся став ворсөмъяссө на бура помнитө. Помнитө весиг лыддьысянкывъяссө на.

Со на пивысь өтик:

Киллян-каллян, топ-топ!

Видзө, карө, эзысь кыддзө,



Зарни вожа пеганйё,  
Дзус, вирс, варс!

Со мөд:

Öдөг-мөдөг, сөцар-бөцар,  
Низь-мозь,  
Вартан пунас пегыш жботкис-луйис!

— А пегышыс — сийё зонка.— Төдчөдө Марья пөч тайё кывйыслыс вежөртассө да серөктыштөмөн содтө:

— Пөльё да пөчө менө ичөт дырйи нимтлісны «потөм пегыш-өн» — нывка, сідзкө. А ворснытө ми, челядь, вөлі чукөртчам да первой делө өдөг-мөдөгасям, вөдитысьёс бөрьям. А ворсан-торйид уна вөвлі, мыйыс сөмын и он ворс кузь лунтырнад. Чирксьид и пөля дзепсьид, «Кальё дядьёсьид» и «Пань-каньсьид», «Ыж турунласьид» и «Поп колльөдөмсьид». Тайё ворсөмьяссө ывлаынджык, дерт. Гөжөмнас. А төвнас, кор ис-ласьныд дышөдас, чукөртчамө вөлі кодкө ордө да «Гораньыс» ворсам либө «Дедө-пөльыс». «Гораньсьид» и өні на челядьыс ворсөны, а вот «Дедө-пөльөтө» оз на и быдөн төд. А сэтшөм страшнө сийёс ворсігөн и сэк жө кыптялан! Дивө...

Тайёс ворсігөн колө, мед керкаад вөлі пемыд. Öшиньястө тупкалан, а гөбөч өдзөстө восьтан. Öти кодкө збойджыкьяс пөвстсьыс босьтө укват либө коколюка да брун шыбитө джоджө, чукөстө Дедө-пөльөсө гөбөчсьыс:

— Дедө-пөльө, петав, петав!

Мукөд челядьыс кыйкьялыштасны на керка пытштіыс, но вөдитысьыс вашкөдөмөн повзьөдө-шуө:

— Петө нин пөльыс, пошкө. Гөбөч посьясыс дзуртөны. У-у-у!

Челядь повзёоны да пышйоны пöлатяс, ловнысö кутёмөн виччысьоны пöльлысь мыччысьöмсö.

— Ми коркö, — Марья пöч серöктö да висьталö водзö, — кык лун чöж сідзи ворсім, виччысим пöльлысь петёмсö. Но сійö мыйлакö эз и мыччысьлы. Вокö менам, Степö, медся повтём вöлі, öтчыд и шуö:

— Узьö, буракö, пöльыс, оз кыв чуксалёмнымös. Вай ме пасьтала гуга пась да гуга шапка дай пырала, садьмöда сійös.

Ми тірзям-полам, но век жö пасьтöдiм вокös гуга пасьнад дай лэдзим гöбöчад пырны. Асьным кайим пöлатьö да виччысям, мый лоö. Ог весиг лысьтöй öта-мöдкөд вашкөдчыштны. Кöйвидзим-кöйвидзим, вичысим-виччысим, а Степа оз пет ни Дедö-пöльö оз шы сет. Мый керны? Кокö суйыштим мый веськаліс дай куш кокчөрьясөн и уйкнитім посводзö. А пöчö миян сарайын нираліс кудель, шабдi сөдз кудель. Кылöма миянлысь полошуйт-чöмтö, лэччис сарайысь.

— Чикулайкаяс, мый нö петёмныд да тивкйысянныд куш кокчөрьяснад?

— Степöйд... Дедö-пöльö дiнас пырис да оз пет, — висьталам ми.

Пöчö пырис керкаö. Гöбöч öдзöсыд восьса да сэтчö и веськөд-чис. Степöйд, вөлөмкö, гöбöч пос вылас пукалö да чунялö каш-никысь пöжөм нök. Нökйыс пыдöсас нин кольöма. Кватитöма пöчö гуськультö шошаöдыс да миян дорö, посводзö, кыскö.

— Пакöститчысь жö тэ! Рöштво кежлö вый вöчны чöжыштли нökсö, да ставсö лакöмыд!

Степанлөн чужöмыс ставнас нökнад лякөссьöма, син бугыльясыс кольча кодьöсь повзёомысла. Чайтöма, дедöйд сійös кватитіс. А вөлөмкö, пöчыс.

— Ме эг кӱсйы, да ачыс гырничыс... — нурбыльтіс мыйкӱ Степӱ, яндзимысла юрсӱ лӱптыны оз лысыт.

— Ёна и сӱки ми сералімӱ! А Дедӱ-пӱльӱйд сідзи и эз некор мыччысьлы миянлы.

Тадзи и помаліс Марья пӱч висьтсӱ да лӱсьыдика нюмвидзис. А ми, кывзысьяс, китшким-сералім тшӱтш горш Стӱпик вылӱ.

## ГУСЬКУЛЬЯС



аво гожӱмыс жар вӱлі да зонпосни вадорысь эз и кайлыны. Войсӱ коллявны сӱмын и волісны гортас. Купайтчӱны да, гожйӱдчӱны да.

Вӱліны и дошлӱй вуграсьысьяс. Габӱ Митя Сергей другыскӱд вугыр шатинкӱд эз и торйӱдчывны. Сӱмын чериыс прамӱя эз шедлы. Та мында араваыс нӱ оз повзьӱдлыны черисӱ? Чилзӱны да равзӱны — сӱ верст сайӱ, пӱди, чериыс пышйис.

Медбӱрын сӱрнитчисны чери кыйысьяс мунны джуджыд кыркӱтш сайӱ. Сӱні торкасьысьяс оз лоны, тшук мыйкӱ шедас. Колӱкӱ, и пирӱг пасьта ёкышгъяс на самасясны? Сӱки небось некод оз лысыт на вылын серавны.

Шуӱма кӱ и — нинӱм нюжмасьны. Аски асывсянныс и тапиктасны. А сам вылас нидзувсӱ корсьны талун жӱ и пемдытӱдзыс ветласны нюкӱс дорӱ. Сӱні важ зорӱд местаяссьыс ой госа лӱльӱяс сюрлӱны.

Сергейяс ордын и мыйсюрö сёйыштисны-тяпöдчыштисны да мөдөдисны чери сам корсьны. Верст гөгөр лоö сэтчөдз. Пода трөпка нуөдö сикт помөдз, сэссия Матрен пöч керка дортi прöйдитан дай нюкөсыс и заводитчö.

Пöчлөн керкаыс öткөн и сулалö, сиктса стрöйбаясысь бокин. Йöрыс паськыда шевкнитчöма, топыд потшöсөн потшöма. А потшöс саяс öмидзыс öшалö, кисьмöма нин, пев пом гырсяöсь.

«Öтнас олö пöчыс, мый сылы та мында öмидзсьыс?» — думыштис мыйлакö водзын ротсьöдысь Митя да ньöжмөдис воськовсö. Сувтовкерис и Сергей. Сылы, буракö, тшöтш чужис мисьтöм мөвпыс. Дыр думайттöг тай и гогнитис юрнас пöчö йöрлань да вöзйис:— А пыралам кө?

— Ме ог, ме ог!— Петитчыштис Митя,— рөдня миян Матрен пöчыс. Төдлас кө батьö, бокъясöс куляс.

— А-а,— шеныштис кинас Сергей,— тэ нин, трус мешök, пыран! Сулав, сідзкö, тані. Ме öтнам пырала. Тэ сöмын видзөд, мед некод оз су. Ачыс пöчöыс, пöди кө, гортас и. Петас кө, шуам, кильчö вылас, тэ меным сигнал сет. Сійö зверь кодь скөр, сюран кө сійö кабырö...

Сергей кө мыйкö думыштас, оз бара-й бöрыньтчы. Митя тайöс төдö. Повзискодь, мыкталöмөн юалис:

— А кызди сигналсö сетны?

— Гораджыка раз-мөдысь кызökты дай,— серökтис Сергей дай ур моз кокниа звиркнитис потшöс саяс. И сылі быттö.

— Сергуня, тэ эн дыр, эн дыр,— кевмысьыштис на Митя, но мөдыс эз нин шыась.

Сулалö Митя трөпа вылас пöчö потшöс дорын, видзөдлывлö

сиктлань, оз-ө сысянь кодкө мыччысь. Да и Матрен пöчлысь кильчö öдзöссö колö кыйöдны, друг да петас кöзьякаыс.

Ёна дырсö эськö эз на и дöзьöрит Митя, да прöста сулавнытö öдйö дышöдö. Дöзмыны кутис:

«Лешак жö эськö тайö да. Сулав вот татөн. Сергей, пöди кö, вом тырöныс чöскыд öмидз апйö-а. Тэ дульватö ньылав».

Тадз мöвпыштöмсьыс ли мый ли збыль горшас мыйкö сатшис. Семдытöдзыс куркис-кызис.

«Сергейыс кылö оз бара? Шуас, нарошнö пö тэ. А ме нарошнö ли мый? — Маитчыштіс зонка. Друг нем виччысьтöг мышсяныс кыліс кирган старука гөлös:

— Купайтчöны, лунтыр васыс оз петавны да этадзи курксöны!

Тайö гөлös шыас бергöдчис Митя да тайкö эз весьöпöр: Матрен пöчыс турун нöбъя сылы паныд кысьсö. Кызöднысö кöть дугдис зонкаöс, а мыйкö шуны либö лыйыштны-пышйыны сідзи и эз вермы. Видзöдö старука вылö да думайтö: «Но, öни сюримö!»

А пöчыс лэдзис турун нöбсö потшöс дорас, веськöдыштіс коссö да шыасис зонка дорад:

— Ме öд пöрысь бугыльнад ог нин и бура аддзы да, абу-ö тэ Митюк, Габö Вась вежапилөн йылöмыс? Сійö и эм. Дитюкö, ёна тай нö прöстудитчöмыд. Вай жö пыралам Матрен пöч дорад, öмидза чайөн юктöда. Сійö зелляыс киён босьтас прöстудатö. Ми тэнад пöчöкөд, Öдötтя покончакөд, ёна öмидза чайнад чурскöдчылім, быд висьöм лечитлім.

Зонкалөн тай кыв-ворыс татчö петис жö кызкö, нурбыльтышгіс:

— Менö оз нин кызöд. Дай öни ог эшты. Нидзув корсьны нюкösö мöдiм да... — Татчö сійö джöмдiс, оз тöд, мый водзö

висьтавны, пөръясьны мудерлуныс абу и, збыльторсö висьтавны смеллуныс оз тырмы.

Сергей другыс мездіс. Сійö — ушлöй! Мыччысис, быттьö енэжсяныыс друг уси. Котöртö налань, шенасьö кияс жöч банкаөн да горзö:

— Мить-ка-а! То, нидзув дозтö вая! Гортöдз котöртлі! Вунöма..

Нетшыштчис места вывсьыс Митька сылы паныд, кулаксö петкөдлö, синъяссö арышталö, көсйö быттьö потшны туйсö другыслы. Кытчö пö резан? Он öмöй аддзы пöчöсö?

Но мöдыс оз и пыдди пукты сылысь пановтöмсö, стрöга шуö:

— Ризйöд ме бöрся!

Сэсся заводитö горзыны оз нин Митялы, а мед Матрен пöчыс кылас:

— Сідз нин манитчим! Котөрөн давай!

Сідзи и резöбтісны пöчö дорті да бердісны трөпкапөлөнса бадь кустьяс сайö.

— Со, зонпосниыд том кокъяснас ризöдісны дай,—  
ышловзъыштіс Матрен пöч.— Налөн асланыс шог да мог.  
Нидзув öктыны пö тай. Ме-ед, вильшасьöмсьыс век нин  
ыласны.

Кольöдіс челядьöс пöчö, вештыштіс потшöс праслөсьыс öти  
потш, тювгис сэті турун нöбсö йöрас, сэсся ачыс вуджис.

А зонкаяс пöчөсьыд кокниа мынтöдчисны да пондісны öта-  
мöд вылас серавны.

Первойөн крукасис другыс дорö Митя:

— Сергуня, но мый? Гашкö, öмидзнад чöсмасьыштамö? Көсйин  
жö банка тырыд вотны.

Мöдыс водзöс сеттöгыд эз жö коль. Ланьт нин пö, чöv ов,  
мездісны кө öмидза чайтö юöмысь. Ме пö вед абу синтöм ни  
пельтöм, ставсö кывлі и аддзылі, кыдзи мыкталін пöчö водзас и.

Артмис кык друглөн футболөн мачасьом кодь жö. Öтиыс мөдсö крукыштис, мөдыс воча сылы мачсö чужийшгис.

— А йöй ме, буракö, да сийөн и мыкталi, — серöктис ас вылас Митя. — Пыри кö чайсö юны пöчöкөд, гусьясьтöгыс эськö öмидзтö тьякöдышти. Гуськульяс ми, гуськульяс.

— Да но, öмидз миянлы ковмис, — серам выв лэптис асьнысö и Сергей. — Аски мунам кö Джуджыд кыркöтш саяд вуграсьнытö, сэтöрсö сэтысь позьö додь тыр вотны да сейны!

## ÖБЛЕЗЯНА



öдисны челядь матысса вөрö чөд вотны. Вөтчис на бөрся и ичөтик Света. Вокыс скөрмис сы вылö, чырышгис:

— Светка, весась гортö! Вошан вöрас да сэссия корсь тэнö.

— Ме вед ог кольччы тэ дорысь. Ме тшöтш кöсья чөдсö вотны.

— Но, эн норась, мудзан кö, ог кут кыскавны тэнö көшельөн.

Светка бөрддзис, но эз энөвтчы челядь дорысь.

Воисны вөрö. Дзык пыр и сатшкысисны зиль войтырыд вотчыны. Кок уланыс и чөдийс. Воöма нин. Розьясыс лөз тусьяснас быд боксянь чуксалöны найöс:

— Вотышт менö! Вотышт менö!

Светалөн некутшöм дозмук абу. Тшöтш вотны кутис платтьö зептас. Регыд и горөдис:

— Петя-а, менам зептöй тыр нин! Вай тэнад чуманö кисьта! Да Петя, мися!— дзайгис нывка. Мөдыс броткыштіс:

— Босьтны дозтö колі. Коді зептö чөдсö вотлө? Лякөсьтан сөмын платтьötö.

Бөрти бурмис жö да мыччис чойыслы асьыс чумансö:

— На вот ректы этатчö. Ме гөгörтышта, сикаджыкин корсьла. А тэ смотри, эн торйөдчы мукөд дорсьыс. Ылалан.

— Ог, ог,— көсьысис нывка да зіля вотіс гырысь лөз тусьяссö. Недыр мысти нывкаяс пөвстысь друг кодкө лөкгоршөн чирөстіс:

— Облеззяна! Ой, облеззяна! Ме аддзылі! Коз йылö кавшасьö! Ставөн полошуйтчисны. Кодкө пыксьыштіс на:

— Кутшөм облеззяна? Сійö Африкаын олө! Чирзан сәні, повзьөдчан.

— Да аддзылі...  
— Ош, гашкө, да? Сійö кужö пуяс йылад кавшасьны,— шыасис өти зонка.— Ме лыддылі...

— И мяян батьö висьтавліс.  
Өні нин челядь повзисны збыльысь. Эновтісны вотчөмтö.

— Пышгьямөй өдйөнджык! Кушинас колө петны!— юралісны челядь гөлөсьяс.

Повзис и Света. Пондіс чуксавны воксö:  
— Ош тані, ош, Петя! Лок өдйө мяян дорө!

— Петя-а-а!— горзісны и мукөдъясыс да гузьөбөн мөдісны ризөдны сиктбердса кушлань.

— Зөр му дорас сетчөй, зөр му дорас! Сэтчө ошкыд оз пет! — горзіс кодкө зонкаяс пөвстысь. Нывкаяс повзьөмнысла никсігтыр вөтчисны сійö гөлөс шы улө.

Котөртіс на бөрся и Петя. Зөр му дорын нин вөтөдіс найөс, горзіс:

— Светкаыс миян, Светкаыс?..

Света аддзис воксö, но эз тöд да кыз тай чилöстас:

— Ой, то вöтчö миян бöрся öблезьянаыд! Кутас кө? Петя-а! Да көнi нö сийö? Ы-ы-ы,— бöрддзис тиньгöмөн.

— Кутшöм öблезьяна чилзан? Тиньгö ещö бöрдö. Ме тэныд шули: эн вöтчы ми бöрысь.

— Тэ-э, тэ öблезьянаыс!— Пондiсны серавны челядь да индыны чунынас Петя вылö.

Öнi нин найö збыль вылö гөгөрвоисны весь полошуйтчöмсö да окота лои вильшасьыштны да сералыштны.

Петя и збыль öбезьяна кодь. Чужöмыс ставнас съöd. Чöдсö сөйигөн да лякөсь кияснас номъяссö вöтлiгөн сяммöма нырвомсö сiдз лякөсьтны, со рöднöй чойыс эз тöд. Сэтчö жö нöшта моздорас мыйлакö шымыртöма Петя дзор рой тошка коз пу чальяс да гырысь коля коз да пожöм вожъяс.

Светка сулалiс мукöдсьыс бокынокдь да век видзöдiс вокыс вылö. А вокыс жервидзис еджыд пиньяснас:

— Светка, тэ мый? Эн ли мый менö тöд? Аддзан, мый ме вайи? Тайö кольяссьыс да ройсьыс ме тэныд сэтшöм чачаяс вöчала! Вöрса дядьöс, позьö вöрса пöткаяс! Ме важөн нин көсийи татшöм кольяссö чукöртны. Вай чöd наберушкаад и тэчам. Талун сэсса вöрас ог пырöй. Мöd луно бара на воламö.

Тельöдчисны ас костаныс челядь, котöртiсны гортланьыс. Восьлалiс вокыскöd орччөн и Света да помся тельгис ассьыс:

— А вöрса лэбачьясыслы синъяссö вöчам чöd тусьысь. Ме сы мында чöd вотi! И эг мудз!

# КЫК ӨТКОДЬ



втобусö тэрыба тювк пырис ичөтик зонка. Нырнас  
өтторъя шлюпкө, синъяснас гөгөрпөв дзөръялө.

Сэни пукалис пөчө. Майшасъыштис пөрысыйд, вошөма  
пө, тыдалө, кагаыс, өтнас мамыстөг ветлө да.

— Детин, тэ кутшөм улич вылын олан? — шыасис зонка  
дорө бабыд.

— Няйт улич вылын, — вочавидзө зонка.

— А гортыд?

— Миян гортыд сөстөм. Ме мамөлы отсая идрасьны.

— Но-о, бур пи инө тэ да зиль зонка, — ошкыштитис зонкаөс  
пөчыл да бара юалө: — А кызди тэнө шуөны?

— Д-д-д-ёмаөн, — мыкталөмөн да зэв гора артмис зонкалөн.

— Кристос тэкөд, абу жө ёма! — пернапас чөвтитис пөчылд.

— Тэ ачылд ёма! Ме — Д-д-ёма!

Бабө өбидитчис, пондис ропкыны:

— Со өния челядъыд...

Локтитис автобус мөдар помсяньыс томиник ань, кватититис зонкаөс  
ки пөлөдыс, тэрмөдлыштитис:

— Дёма, лок өдйөджык! Миянлы петны кад.

# ЛӨГАСИСНЫ



өрүт лым мачөн ворсігөн кык друг венө воисны дай  
лөгасисны.

Рыгнас зэв дыр Миша унмовсьныс эз вермы, маитчис.  
Коляыс, медбур другыс, шуис сылы, сэсся пө ме тэкөд некор нин  
ог кут ворсны.

И аскинас садьмис Миша да век думайтө, сёйныс весиг оз ков.  
Пукалө пызан саяс, нямлясьö, өшиняс видзөдö.



— Мишук, школаад сёрман,— раз-мөдысь нин мамыс тэрмөд-лыштіс. И Катшысыс со ывлаас уличао петкөдан туй юж вылын куйло, виччысьо том көзяинсö школаас колльодны.

Друг аддзис Миша öшинь пырыс: Катшыс дорö кутшöмкö тöдтöм пон локтіс, сикт улыс помсаяслөн, буракö. Легöдö бöжнас, исасьö. А Катшысыс эргыштіс да уськөдчис сы вылö. Зык-кось на костын лыбис. Эралöны, патурликасьöны нин лым вылас.

Мишаöс öнi тшöктыныд эз ковмы. Уськөдчис пызан сайсьыс. Кватитіс көтшас тувсьыс шапкасö, суйис юрас, тайкö и школаас ветлан сумкасö оз вунөд, дай лыйыштіс öдзöс саяс.

— Ми-ш-ша,— сöмын и сяммис кайгыштісны мамыс да шеньштісны кияснас.— Со сійö пыр тадзи! Курткасö весиг абу пасьталöма!

А ывлаын Миша весиг тан сувтіс да ас сингьясыслы эз эскы.

Катшысыс да тöдтöм пон пукалісны дзик орччөн да лöня легнитлісны бöжнаныс. Дерт жö, виччысисны Мишалысь петöмсö.

«Вот эськö менам кө тадзи Колякөд артмас»,— мөвпыштіс Миша да воськовтіс понгьяслы паныд.

# КАГА ВИДЗЫСЬ



сывнас пызан сайё пуксьыгөдз на Машук паніс сёрни мамыскөд.

— Мамук, тэ талун некутшөм удж вылө менө эн нарадит.

Мамыс серөктіс:

— Ёна нин и ме тэнө удж вылас нарадитла да. Гортысь петігөн тай закажитла, мед кильчө өдзөстө мунігад он восьсөн коль.

Машук дөзмис мамыс вылө, скөрись видьштіс:

— Сійө мөй удж? Уджыс вед видзөдны чипан-петук бөрся, мед градьястө оз пуркйыны! Лунтыр колө видзөдны да видзөдны на бөрся, а талун меным некор!

— Но-о, мый нө сідз? — бара на серөктыштіс мамыс.

— Да ми жө Колькакөд лунтыр кутам видзны сылысь ичөтик чойсө, Катенькаөс. Марина пөчыс налөн карө муніс вичкоө. Аскиөдз оз лок.

— А-а, со мый инө. Молодечьяс. Видзө, видзө! Ме сизим арөснад ёна нин кагатө видзлі.

— И ми видзам! Бабыс вед көсийс вайны вичкосьыс гөснеч. Прөскур! Мамө, прөскурыс сійө ыджыд-ыджыд торт? Да?

— Нылукө, талун тэ асывбыд на серамөс менсьым петкөдлан. Прөскурыс сійө тупось кодь, вичкоын вежөдөм булки, — воча кыв сетіс мамыс.

— Ой, а ме чайті... — Мисьтөма вежыньтліс вом дорьяссө Машук.

— Сідзкө инө он мун кагатө видзны? — Ышловзьыштіс мамыс.

— Көсийыси, да кызд ог мун?! Но и мамө тэ, нинөм гөгөрвотөм.

Мамыслөн бара петіс долыд нюм. Меліа шылькнитыштіс нылыслысь еджыд, лозьвидзысь юрсисө.



ияля оло карын, уна судта керкаын, куйм жыръя патераын. Мам-батыс сийос оз Пиляон, а карса ног Филиппон шуоны.

Филипп ыджыд нин, коймод классо вуджис и быдтор-быдтор тодо нин.

Товся каникул дырйи оти рыто мам-батысо удж вывсыс виччысигмоз Филипп пуксис телевизор видзодны. Кодко одзосас звонитис.

«Коді эськө тайо? Батяслы быттьокө водзджык на. Гашкө, зонпосни исласьны нуодоны? Но нет, ме пемыднад некытчө ог пет!» — думыштис Филипп, но одзоссо восьтис жө. Одзос сайын сулалис зэв ыджыд гөсть, небыдика нюмъялис. Тайо вөлі Епим дядь, коді оло сиктын, велөдо школаын физика да математика. Филипп радлыштис. Кыдзи нө он радлы? Тайо Епим дядь ордас гожомнас чөлөй вежон батыскөд олісны. Дядьыс быд лун найос шуркнитөдліс мотоциклас, тшак вотны вөрө нуліс, чери кыйны вадорө лэчөдліс. А рыт-асывнас чөсмөдліс нөкъя ельдөгөн да пувъя йолон. Чө-ө-скыд!

— Мамө ни папө абуось на, но регыд локтасны. Тэ эн мун, кутам видзодны телевизор. Но, Епим дядь?

— Но ладно, телевизор кө и мед телевизор лоо, — эз пыксыс дядьыс да порччысьом бөрын пуксис Филиппкөд орччон диван вылас.

Петкөдлісны телик пыр зверьяс йылысь мойд. Филипплы зэв любө, мый тодса нин мойд мыччөдлөны, поэяс Епим дядь

водзас и бурджыка петкөдлыны ассыыс төдөмлунъяссө. Кадыськадө сійө килькнитөмөн серөктывліс да помся мойд помасьтөдзыс эз тупкыв вомсө. Экранын кө көч мыччыяс — көч йылысь став ассыыс төдөмлунъяссө висьталө, руч кө — бара жө.

Гөстьыс оз и төд: телевизор видзөдны али Филиппос кывзыны. Чөв олігтыр, сійө корсюрө сөмын «Ы-ы..» кайтыштліс.

Неыджыд реклама бөрын программа нуодысьыс юөртис, мый кутас мунны сөрни экология йылысь.

Филипп шеныштіс кинас:

— Мун, тайө абу интереснө! Вөр-ва йылысь.

— Но, абу кө интереснө, ог инө и видзөдөй, — шыасис дядьыс да чеччис места вывсьыс. — ме, пөжалуй, Филиппок, муна. Батьыд воас да мед меным звөнитлас. Ме конференция вылө волі карас, узыла-ола вок ордын. Батьыд төдө сылысь телефонсө.

Дядьыс петіс нин жырсьыс, пасьтасис. Филипп видзөдіс сы вылө жугыль синъясөн, быттьө корис, эн на пө мун, но воча кыв өтчыд и сетліс: «Воасны өд, виччысьыштлінныд мед». Дядьыс гажаа нюмдыштліс да сөмын малыштіс зонкалысь юрсисө.

Петан өдзөс вугьяс кутчысьөм бөрын нин шыасис:

— Но, Филипп, ме зэв рад, мый тэкөд аддзысьлі! Тэ ёна быдмөмыд, со быдтор нин төдан и. Но... Епим дядьыс тэд шуа: өти зэв важнөйтор тэд колө на быть төдмавны.

— Епим дядь, а тэ меным висьтав, мый сійө важнөйторыйс? Ме дзик пыр төдмала! Энциклопедияө видзөдла — и төдмала!

Дядьыс пыркнитыштіс юрнас:

— Энциклопедиясьыд сійөс, пөжалуй, он аддзы. А колөкө, и

аддзан... Сиа тэд став бурсо, да гожомнас бара на кута виччысьны.

Дядьыс мунөм бөрын мам-батыс регыд и локтисны.

— А мянө коді воліс! — ошйысис Филипп сиктса гөстьнас да пырысь-пыр и тшөктіс батысө звөнитлыны Епим дядьыслы. — Звөнитлы, папа, да юав, тэныд тшук висьталас. А меным — эз висьтав. И энциклопедиясьыд пө он аддзы.

— Мый нө нин сэтшөмсө юавны эськө колө? — шензьяштіс батыс.

— Да Епим дядьыс шуис: өтитор пө, зэв важнөйөс, тэ он на төд. А мый сійө өтиторйыс, эз висьтав. А, папа, юав. Па-апа...

Бур здук дзайгис Филипп, но батыс эз жө тэрмась звөнитны да юасьны. Шуис сөмын пиыслы:

— А, другө, Епим Кузьмич кө ачыс аслыд эз висьтав, меным өдвакө и висьталас. Так что, нөрөвитлам на юасьнытө. Гашкө, и асьным на аддзам воча кывсө. А звөнитны — звөнитла, обязательно звөнитлам! Строгөй выговор сетам, мыйла муніс менө виччысьтөг! — шмонитігмоз сёрнитіс батыс да сэсса помаліс стрөгджыка нин:

— Гашкө, и тэд выговор ковмас сетны дай. Дона гөсьтсө примитнысө, буракө, эн куж да.

## ЮРИНДАЛЫСЬ

Көні узылө шонді . . . . .	3
Квайт чунь . . . . .	4
Медводдза кӧдзыдгьяс . . . . .	6
Чудо-юдо . . . . .	8
Ыджыд лун . . . . .	11
Кык Нина, да шыр оз пов . . . . .	15
Жу-жу . . . . .	19
Гажтӧм . . . . .	22
Пӧргьясян лун . . . . .	25
Ортсӧ колькьялысь чипан . . . . .	27
Эн несъяв . . . . .	30
Уконок . . . . .	33
Шуштӧм рыт . . . . .	35
Оз вотигӧн . . . . .	37
Чужан лун . . . . .	39
Ловгья ва йылысь легенда . . . . .	45
Боня-Бонифаций . . . . .	46
Пыстаяс . . . . .	49
Каляяс . . . . .	50
Уткапи . . . . .	51
Часі, барабан да кӧза . . . . .	52
Вошис Колька . . . . .	55
Телефон . . . . .	58
Марья пӧчлӧн висът . . . . .	60
Гуськульяс . . . . .	64
Ӗблезяна . . . . .	68
Кык ӧткодь . . . . .	71
Лӧгасисны . . . . .	72
Кага видзись . . . . .	74
Пиля . . . . .	75

**Куратова Н. Н.**

К 93 Кӧні узьлӧ шонді: Висьтъяс.— Сыктывкар: Коми книжнӧй  
издательство, 1998. — 80 л.б.

ISBN 5-7555-0640-X

«Кӧні узьлӧ шонді» — татшӧм мича ним улын петӧ Нина Куратовалӧн  
ичӧт арлыда лыддысьысьлы сиӧм выль книга. Сёрниыс тані муно медясӧ  
сиктса челядь йылысь, найӧ сӧмын на быдмӧны, вильшасьӧны да ворсӧны,  
котралӧны школаӧ. Оз ӧд весьшӧрӧ шуны, мый гажа челядьдырыс  
зонпоснылы медся бур кадыс.

84 (2 Рос — Коми)

К  $\frac{4803310200 — 021}{M 128 (03) — 98}$  5 — 98 м

**Для детей младшего школьного возраста**

*Литературно-художественное издание*

**КУРАТОВА НИНА НИКИТИЧНА  
ГДЕ СПИТ СОЛНЫШКО**

Рассказы  
На коми языке

Редактор А. В. Тентюков  
Художник Е. В. Сухарева  
Художественный редактор Г. Н. Шарипков  
Технический редактор З. А. Поздеева  
Корректор Н. Ф. Габова  
Компьютерная верстка — Н. В. Вахнин

ЛР № 010039

Сдано в набор 15.05.98. Подписано к печати 5.06.98. Формат 70х90/16 Бумага офсетная. Гарнитура Академическая. Печать офсетная. Усл. печ. л. 5,85. Уч.-изд. л. 3,4. Тираж 1000. Заказ 2289. Коми книжное издательство. 167610, г. Сыктывкар, ул. К. Маркса, 229. Отпечатано в Кировской областной типографии. 610000, г. Киров, Динамовский пр., 4.





102